


ووايات د. نجيب الكيلاني من روانع الأدب الإسلامي



من روائع المسر كفر الطماعين والعلم ندورن Or. Naguib Al Keilany

روايات د نجيب الكيلاني

من إصداراتنا









كفرالطهاعين

د. نجيب الكيلاني سجن أسيوط عام ١٩٥٦م

حقوق الطبع محفوظة الطبعة الأولى للناشر ١٤٢٦هـ - ٢٠١٥م

رقم الإيداع: ٢٠١٤/١٥٤٠٢ الترقيم الدولى: 978-977-255-447-8



النشر والتوزيع ٥ مطفر قريد- من شارع مجلس الشعب- السيدة زينب تليضون ٢٠٢٢٢٧٧١٨، تليضاكس، ٢٠٢٢٦٢٧٧٧٠ daralsahoh@gmall.com

الفصل الأول

المنظر: [مضيفة في أحد البيوت الريفية ذات ثلاث أبواب - م أشخاص جلوس يدخنون وأمامهم موقد].

[يفتح الستار وجبيصى ابن صاحب الدار يغنى موالاً. . ويردد الآخرون أثناء الغناء بكلمات إعجاب].

جبيصى: [يغني]

لیه یا زمان بتدی الناس وتنسانی خلیت لی إیه یا زمان همی و أشجانی حرمتنی یا زمان لقی صحبی وخلآنی اسمع نصیحتی و اوعی الدهر لیغرك إیاك تأمن لدی الأیام من تانی

عویس: مالك كده يا مخيمر جاعد زى الماجور . . زى ما تكون بالع مركوب . . . ما تقولنا حاجة يا جدع

وافرد لنا بوزك ده اللي طوله شبرين.

مخيمر: حاجول إيه وأعيد إيه يا عويس يا ولد عمى والدنيا غدَّارة والزمن كاسر.

[يغني]

دا أنا جمل صلب لكن على الجماً ل

لوى خزامي وشيلني تقيل الأحمال

جبيصى: سلامتك من الآه يا مخيمر. . . دا إحنا السبعة ومين يعادينا .

عبد الشكور: مش حتقول لنا حاجة النهاردة يا جاد.

عویس: [مقاطعًا] أدفع رهان إذا ما كانتش رخمة زى كل نوبة.

جاد: دى ولا البوصطجية اشتكوا.

عبد الشكور: جعر جعر . . . أهو كله عند العرب صابون .

[الجميع يقول بعدم اهتمام واستهزاء]: طب جول.

جاد: [يغن*ي*]

إلام الخلف يا زينب إلام دنا شيخ مقلوظ بالعمامة

عبد الشكور: [مقاطعا] شوف الجدع يا خيّ عشان ما عرف له كلمتين في الكتاب عاملي فصيح ولا بتوع المدارس.

[ضحك يسمع أثناءه قرع شديد على الباب الخارجي].

جبیصی: الراجل جــه یا أولاد... یا خــراب مستعجل... إطفی الولعة یا عبد الشكور.

[يتسللون إلى الخارج ويبقى جبيصى وحده ثم يدخل الأب ويضرب بنظره في المكان].

علوان: والله عال يا جبيصى يا ابن ستوته خليت الدار غرزة إنت والألاضيش بتوعك . . . إن كان الصايع ابن الحاج حسن والا الضايع ابن بسطويسى شيخ الغفر والا ابن فلان والا

علان . . . خلاص فتحت عينك يا بايظ يا ابن المركوب. . . داير لي تشطح هنا وهناك . . . لا نافع في زرع ولا في قلم [يرفع صوته]. . . يا إخواني أنا غلبت مع الوادده. . وديته الكتاب بقى يهرب منه ويقعد تحت الجميزة ويلعب الحكشة طول النهار . . . دا ابن عمه الله يطرح البركة فيه . . . فضل يذاكر لحد ما بقى مستوظف قد الدنيا بيقبض يجيله خمستاشر جنبه . . . يا ربتني ما دفعت لك البدلية كيان زمانك عسكري قد الدنيا. . . لكن اللي يمشي ورا النسوان ميسسوفش خير أبدًا. . . هي المحجومة أمك اللي وقفت في سكتي كانت فاكراك حتطلع صيبيت تقرا في البندر والموالد. . . لكن خيبتك طلعت قوية . . .

جبیصی:

إه دى إه دى . . . هو أنا عملت حاجة يابه مانا مرزى أهه .

علوان:

یا دی العیبة یا رجاله . . . بتصرخ فی . . . خش فی یا واد خش و کسمان بتزعق فی . . . أهو دا اللی کان ناقص یا ناقص یا ابن البلغة . . . دك حش وسطك وأنت بقی صدغك نبت كده . . . طب علی الطلاق من نسوانی الجوز شافعی ومالكی وأبو حنيفة .

[يسمع قرع على الباب الخارجي] غوريا واد شوف مين اللي بيخبط . . . انجر [يخرج جبيصي] ده غلب إيه ده لا العيال نافعة ولا الأرض شافعة .

[يصيح من خارج المسرح].

أبويه العمدة جه يابه .

[يدخل العمدة ومعه بسطويسي شيخ الغفر].

العمدة: سا الخيريا واديا علوان.

علوان: سا الخيريا حضرة العمدة دا الدار نورت يا أولاد... أهلاً وسهلاً... ومرحبه... دا النبي زارنا على غير انتظار.

العمدة: به [علامة تعجب] مالك كده راكبك الهم... وشايل طاجن ستك؟

علوان: قطع الخلف على اللى بيخلفوه... هو ربنا كاتب علينا الشقا... مخفى الاسم جبيصى ملموللى على شوية عيال ما وارهمش غير الجوزة والكركرة والمسخرة وقلة الأدب.

العمدة: كل الأولاد كده اليومين دول. . قليل اللي ربنا هاديه زى ابن عمه اسم النبي حارسه راجل تتحسد العيله اللي فيها راجل زيه . . . والشهادة الكبيرة والوظيفة الميرى ومفيش حد قده .

علوان: هى الناس حاسدانا على إيه . . . دلولا ستر ربنا كنا اتفضحنا . . . طب والنبى ومين نبى النبى نبى لا برضى أمد أيدى للإيجار اللى بلموله على داير المليم من المؤاجرين .

العمدة: أهو برضه الخير والبركة . . . وقال على رأى

المثل الصيت ولا الغنى، كفاية كده لما تزوره فى مصر . . . آه يا ما نفسى أشوفك يا مصر واقتع . . . آه يا نارى .

بسطويسى: وتزور حراس مصر مقام السيدة ومقام الحسين [يزعق] مــدديا أم هاشم. . . مــدديا أم العواجز.

العمدة: بس يا خسارة تنزل على مين؟

بسطویسی: الحکایة بسیطة یا عـمدة... دا أنا ابن عـمی مستوظف کبیر جوی فی الحکومة... یا سلام علیه لما یشخط کده ویقول: محکمه... کل الناس تروح منطوره علشانه وواقفه علی رجل ونص.

علوان: وعلى كده بيقبض كام جنيه؟

بسطويسي: بيقبض هو والقاضي ٥٥ جنيه.

العمدة: سيبنام الهجص الفارغ ده. . . وخلينا في الجد [يرشف رشف من القهوة] إلا يا أبو

جبيصى . . . بكره الخميس وليلة الجمعة .

بسطويسى: [يصيح بصوت عال] لبلة مفترجة.

العمدة: أم كلثوم بكره والسمع يحله [العمدة يصفق مع

الكلمات الأخيرة] عايزين الرحه مضبوطة والماركة مضمونة.

[تخبيط على الباب الخارجي].

علوان: خش ياللي بتخبط.

حامد: السلام عليكم.

الجميع: [وقوف] عليكم السلام ورحمة الله وبركاته.

علوان: [بصوت عال] ابن أخويه. . . أهلاً وسهلاً . . .

كده كده من غير لا كلام ولا حديت. . . مش كنت تقول كنا بعتنا لك الجحش يستناك على

المحطة.

حامد: إحنا لسه شباب يا عمى ومفيش لزوم نتعبك والله سلامات أهلاً وسهلاً.

علوان: لا لا لا . . . يا حامديا ابن أخوى . . . دا شيء

واجب على الأقل كنا عملنا استعدادنا [ينادى]

يا بت يا مسعده حضرى العشا لحامد ابن
عمك.

حامد: متشكرين يا عمى أنا متعشى.

علوان: البيت بيتك يا حامد . . . والله سلامات . . .

خطوة عزيزة.

العمدة: سلامات.

بسطویسی: أهلاً وسهلاً . . . وإزای مصر کده . . . یا سلام علی مصر یا أولاد . . . مصر أم الدنیا الترمای اللی بیمشی بالزمارة والحلزونة اللی بتفط ولا بغلة میخائیل أفندی ناظر عزبة الفرماوی . . .

وجنينة الحيوانات والسبع والضبع والحمير

العمدة: [لبسطويسي] ألا خشيت السيما يا وله.

بسطويسى: أنا خشيتها مرة وبعدها قلت توبة.

الحصاوي يا عمدة.

العمدة: ليه يا وله؟

بسطویسی: أیدی اترخت عبّال ما سلمت علی كل اللی قاعدین.

[حامد يكتم ضحكة].

العمدة: أهلاً وسهلاً [يستأذن] ميعادنا بكره يا أبو

جبيصى . . . سلامو عليكم .

[يخرج العمدة وبسطويسي].

علوان: واديا جبيصي . . . واديا جبيصي يا خويه الواد

راح اتخمد كده من غير لا إحم ولا دستور [يوجه الكلام لحامد] قوم خد لك تعسيله وريح جستك من السفرية في أوضتك . . الغرابة الجماعة لسه منفضين الأوضة والسرير من يومين زي ما يكون قلبهم كان حاسس إن حد حيدخلها .

[يتوجه حامد نحو باب غرفته]

حامد:

والله ما تنساش تصحيني يابا علوان علشان

أصلى الفجر في الزاوية زي زمان. . .

علوان: الله يسترها معاك دنيا وآخره. . . متهدى من يومك .

[يخرج حامد ويدخل جبيصى فيجد أباه ما زال جالسًا في المضيفة وسط الدار].

جبيصى: [يهرش جسمه] يابا . . . أروح أنام فى السرير جبيصى: جار ابن عمى لحسن الأمل شايل الحرام من على والحصيرة علمت فى ظهرى والنوم مش داخل عينيه .

علوان: [فى تعنيف] روح كك خابط لما يحش وسطك إنت عايز توسخ السرير... وتقلق منام ابن عمك اللى لسه تعبان من السفرية... روح اتخمد مع إخواتك... لحسن والله أقوم أمسيك بالوطا [يخرج الابن].

[علوان وحده ويدخل الشيطان ليوسوس له].

الشيطان: فرصة وجاتلك يا مسكين تخلص نفسك من درونك وتجيب الجليه الكشمير... وتتجوز

بنت عبد الحميد شيخ البلد . . . و تزود القير اطين اللي عندك كام فدان طين . . . فرصة في إيدك أوعى تطير .

[تدور أعين علوان في المكان وينظر نظرات حادة مضطربة في اتجاه المكان ويعود صوت الشيطان فبدي ويقول لعلوان] ضربة فاس.

علوان: [في تعجب] ضربه فاس.

الشيطان: ضرر

ضربة فاس. . . أيوه ضربه فاس وتجوز وتتريس ويمكن تيجى فى مشيخة البلد . . . ضربة فاس وتجوز بنت عبد الحميد شيخ البلد . . . ضربه فاس وتتمتع وتزور البندر وتروح مصر . . ضربه فاس وتشتريلك كراكه للدريس . . . وماكينة مايه تأجرها وتجيبلك فلوس فلوس كتير . . . ضربة فاس ضربة واحدة . . . ويبقى في إيدك حجة بعشرين فدان .

ضربة فاس . . . عشرين فدان . . . عشرين فدان .

علوان:

الشيطان:

أيوه عشرين فدان. . . أهو دلوقت نايم على السرير ولا في باله . . . كل خمس تشهر بيجي ياخد الإيجار ويطلع إيد ورا وإيد أدام. . . اصحى قوم إديله ضربة فاس. . . إدى حامد ضربة فاس.

علوان:

[في ذهول] حامد. . . حامد ابن أخويا . . . مش مکن . . . مش مکن .

الشيطان:

مش محى ليه . . . قلبك عليه قوى . . . بيقبض الماهمة ويقول لك خد. . . والإيجار ببديلك منه حاجية ولا اللضا . . . وانت اللي بتشقى في الأرض. . . وتتعب مع المؤاجرين وانت اللي هنا في البلد. . . ولولا عينك على أيديهم كانوا خبربواله الأرض ونهبيوه . . . وهوه بيباخيد الفلوس من غير لا شغله ولا مشغله . . . إنت عارف بيصرفها فيه؟

[وهنا يطل جبيصي في صحن الدار وهو يهرش

فيجد أباه ما زال جالسًا فيعود من حيث أتى].

علوان:

ابن أخويا راجل يعرف ربه. . . من يومه بيصلى

ويصوم ويزكى ويقوم. . الإيجار أنا اللي ما

برضاش أمد أيدي عليه ولو خدت ميتكلمش.

الشيطان:

أنا بأدلك . . . أنا بنصحك . . . علشان تقولي دا

بيصلى ويصوم. . . أنا بأدلك على الكنز اللي

مش هيكلفك إلا ضربة فاس. . . ضربة واحدة

وتحقق كل اللي في بالك. . ودى فرصة. . .

حامد دخل البلد بالليل لا قابل حدولا

محتد . . . خلص عليه . . . لا مين شاف ولا

مين درى . . . وتبقى طاقة القدر اتفتحت لك .

علوان:

طب والعمدة وشيخ الغفر.

الشيطان:

وشيخ الغفر . . . دا انتولسه متفقين على

[يضحك في خبث] أنت تخاف من العمدة

قعدة. . . ودول حايسعدوك. . . حيقفلوا على

الحكاية دول هما الحكومة. . . وكام جنيه

للعمدة ويطنش . . . وكمام قعدة لشيخ الغفر . . . وشيلني وأنا أشيلك .

[يدخل الابن فيجد أباه ما زال جالسًا في مكانه فيعود من حيث أتى].

علوان: حامد دا من دمي وكمان قتل النفس حرام.

الشيطان: أنت حتقوللي حلال وحرام . . . قوم . . .

قوم. . . الفنجر قرب يدن وحيامد قرب يقوم. . . إقتله وبعدين استغفر دبك. . .

الفاس جنبك في الزريبه . . قوم متضيعش وقت .

[يقوم الأب ليبحث عن الفأس وفي عينيه لهفة وعزم، يخرج- يدخل حامد إلى المسرح من باب حجرته].

حامد: [یشمر عن ساعدیه] یا تری زلعة المیة فین علمان ألحق أتوضی وأروح أصلی فی الزاویة [یخرج حامد من الباب الخارجی].

[يدخل جبيصى من باب المندرة فيجد أباه ليس موجودًا فينظر هنا وهناك].

جبيصي

طهقت والله من البراغيت والناموس [يهرش] يعنى إشمعنى ابن عمى ينام على السرير أبو نخاخات جوا الناموسية هو أنا ماليش نفس والله لا روح أنام جنبه.

[يدخل إلى حجرة أبن عمه].

[المسرح خال لمدة نصف دقيقة].

[يدخل علوان حاملاً الفأس ويتوجه نحو غرفة حامد. . . تسمع صرخة عالية من خارج المسرح].

علوان:

[يخرج علوان من الحجرة إلى المضيفة وهو ينظر خلفه في ارتباك] أهو خلصت عليه والأرض بقت ليه.

حامد:

الله .

علوان: [يرى حامد فيصعق] أنا قتلت مين [يضحك

الشيطان ضحكة عالية] ابني. . . . ابني!!!

[يصرخ علوان ويقع على الأرض مغمى عليه].

[في الوقت نفسه يضحك الشيطان وينقطع

بصوت المؤذن].

المؤذن: الله أكبر . . . الله أكبر .

«ستار»

900

الفصل الثاني

المنظر: [٤ مساجين في زنزانه -جردل بول-جردل مياه- اثنان يفطران].

[واحد يغنى من خارج المسرح أغنية الأدهم].
الحادثة اللى جرت على سبع شرقاوى
الاسم الأدهم لكن النقب شرقاوى
قالوا بتبكى ليه يا أدهم وأصل البكى إيه
قالهم مات عمى يا رفاقة وأنا فى البلد صفتى إيه
وراح على ابن العدو فستخه بإديه
وقتل ثلاثة من اللى كانو حواليه
جت الحكومة: يا أدهم عملت كده ليه.

[يزعق] الله يفتح عليك يا متولى [تتردد هذا من جهات مختلفة أى من خارج المسرح].

أبو سريع: [من خارج المسرح] صباح الخيريا معلم حميدو. حميدو: صباح الخيريا معلم أبو سريع.

حميدو:

صبحلى على المعلمين اللي معاك المعلم زقلط أبو سريع: والمعلم قرقر والشيخ كرفس.

ز قلط:

يا معلم أبو سريع صبح لي على نفسك وعلى اللي معاك [يوجه كلام إلى الجلوس] النهارده الخميس والجدع اللي اسمه علوان راجع لنا من الملاحظة علشان يطير البرج اللي فاضل... علىَّ الطلاق إذا ما كانش حيبطل هلوسة أنا مش حدخله ولو فيها ميت تأديب.

إنت فاكر لما دخل علينا «إيراد». . . وعرفنا أنه

راجل قاتل . . . المعلم كفته نفسه . . . الله يصبحه بالخير -خده «العفو»- دا هو معلم كبير

قد الدنيا إيده خفيفة قوى سوابقه متتعدش. . .

سابله مترحه وراح هو جنب المبوله . . . كان فاكره راجل مجدع مش «كركي».

الشيخ كرفس: دا يا إخوانا راجل ممسوس لابساه شياطين وعايز له زار وخاتم فضة ويدبح له جمل أبيض. . .

والا خروف بني فيه علامة بيضة في ودنه . . . زي ما يطلب الأسياد .

وهو يستاهل فرخة.

السجن.

ز قلط:

قرقر: زار إيه وبتاع إيه يا شيخ كرفس إنت . . . مش حت بطل شغل مشايخ بقى . . . المهم أنث شغلتك بره «هجام» تنط البيوت وتقشط اللى فيها . . . وتدخل السجن تربى لى دقنك وتعمل لى واعظ بتفهم فى الدين وتحلف لى براس أبوك . . . زى ما يكون أبوك ولى . . . هو علينا الكلام ده . . . كل ما تدخل السجن تقول توبه وخلاص . . . ودى سابع مرة أشوفك فى

الشيخ كرفس: وهو فيه غيرك اللى قلب دماغ الراجل...
عامللى متنور تقول للراجل فى أمريكا حاجة
تتسمع زى الراديون وتشوف اللى يكلم فيها
اسمها تلفزيون... الراجل لما تركبه الأسياد

وتكلمه ويكلمها ويشوفها شبطت في دماغه كلمة تلفزيون . . . الراجل راكب أسياد متكلمش فيهم لحسن له لبسوك ميخرجوش بالساهل .

هو فيه شيطان إلا بني آدم؟

حميدو:

قرقر:

إنتو حتتخنقوا والا إيه . . . صلوا بينا على النبى وروقوا دمكم يا رجاله . . . دخلونا في البلده اللي جايه النهاردة . . . إمبارح في الورشة ضربت مع واحد كلام طلع من كفر الطماعين سألته عن حكاية الشيخ تلفزيون . . . تعرفوا أنه كان بيخمنا . . . قال إنه قاتل ابنه في زعله ويطلع بعد كده . . . إنه قتل ابنه غلط فاكره ابن أخوه علشان يهف له كام فدان طين .

قرقر:

وانتم فاكرين حكايته دخلت على . . . مش قلت لكم يوميها . . . الحكاية دى مش داخله مخى . . . وقدرت يا حميدو . . . أنت والشيخ

كرفس تقولوا دا راجل طيب. . . هو فيه حد طيب في الزمن ده . . .

[ينتهون من الأكل فيقذفون بالأطباق كما يفعل الصعايدة].

الشيخ كرنس: [يزعق] هز الهلال يا عم يا طنطاوى.

قرقر: ما تهوسناش بالكلام ده... مرة تقول هز الهلال... ومرة تقول شفت رؤيا كويسة... المخدرات طالعين خلاص... وادى إحنا أهه

حميدو: يا جماعة وحدوه . . . المهم أول ما ييجى الشيخ تلفزيون حنقعده جنب المبولة .

زقلط: بقولك إنه مش حيدخل . . . إلا على رقبتي .

الشيخ كرفس: يا جماعة إستحملوه. . . هوه حيروح فين . . . مش كله سجن .

قرقر: يعنى يبقى سجن وقرف كمان.

مؤيدين فيها.

حميدو: الله يرحم زمان . . . أيام المعلم كفته والمعلم

شوال والمعلم فلفل والمعلم شلاطه. . . الواحد منهم يقفل شارع لوحده ويخليها ضلمه. . . كانوا رجاله. . . مش اللي سارق لي فرخه واللي ناشل لي موظف واهو الاسم سجن.

قرقر:

تصور المعلم فلفل قعد في التأديب سنة لابس شوال . . . كان سبع . . . مش زى بتوع اليومين دول. . . الواحد منهم اسمه عنتر وهو بيخاف من خياله.

صدقت يا معلم قرقر . . . أنا في الزيارة اللي فاتت كان كل اثنين في شباك . . . عشان كان زحمه يوم «عيد الأم» كان معايا في الشباك الواد اللي اسمه الضبع . . أمه بتقول له شد حيلك يا أبو محمد كلها شهرين وتخرج. . دا السجن للرجاله. . . يقوم يقول لها تُرهَ بس خديني الشيخ كرنس: معاكى . . . اتفقعت مرارتي وكان تيالي أقطع له

لسانه ىشله.

هو تاعبكوا في إيه . . . شايلنه فوق دماغكم ما هو كويس إلا ساعة ما بيركبه الأسياد . . . معذور يا إخوانا قتل ابنه . . . برضه قابيل ابن سيدنا آدم لما قتل أخوه هابيل . . . حصل له الحكاية دي . . .

قرقر:

أنت حتوعظ تانى . . . دا كفاية لما يصحى ويكلم نفسه بالليل ويزعق ويجيب صوته آخر العنبر . . . يقول جبيصى بيعاكسنى فى التلفزيون . . . العمدة حيبلغ عنى . . . حامد بيعاكسنى فى التلفزيون . . . ونقعد نسمع كلام من غفر الليل كل دا من تحت رأس الشيخ تليفزيون . .

حميدو:

كمان مش ملحلح . . . مفيش يوم دخل علينا بكُوهْنتين جاز . . . باكو شاى . . . حتى يوم التفتيش القرد أنه كانت مهيبة لولا رحت لاحقها ورميها في المبوله .

الشيخ كرنس: إنتم عايزين منه حاجة ليه . . . دا راجل متخزن لا بيروح ورشة ولا مطبخ . . وسمعته في السبجن زي ما أنتم عارفين . . . الشيخ تلفزيون. . . الشيخ تلفزيون [يضرب جرس النمام ويعقبه زعقة: هون، وتبعه جرس العمل المعهود].

[يحاول كل تنظيف غرته].

أنا النهاردة عندي راحة سيبوها. زقلط:

[يشكرونه ثم ينصرفون ومعهم ألباسهم ثم يعو دون فجأة].

جيتوا ليه هو مفيش عمل النهاردة والآ إيه. . . ز قلط: النهاردة الخميس.

بس النهاردة خميس ولا كل خميس... قرقر: النهاردة ١٦ من أغسطس سنة ١٩٥٦ إضراب في كل حته في مصر والشام وكل المسلمين اللي في الدنيا. . . علشان يفهموا الإنجليز اللي

عاملين رباطية في بلدهم أن العرب والمسلمين إيد واحده.

الشيخ كرفس: دا اللى ييجى على مصر ميكسبش أبداً...
الكلام ده جه في التوراة والإنجيل والقرآن
الكريم.

حميدو: أتابى أنا بقالى كام يوم أسمع الراديون يقول إن قناة السويس الجيش احتلها وخد الشركة... وأعلنوا التتميم الشرعى... والشركة بتقمر عيش دلوقت.

قرقر: هو كل ما اكلَّم يا شيخ كرفس تقاطع كلامى
[يكمل حديثه] حكومة مصر قالت إن القناة
بتاعتنا فلوسها فلوسنا. . . والمال أصحابه أولى
به .

حميدو: دا الشركة كسبت كتير قوى . . . دا ابن عمى كان يشتغل بواب وبيقبض ٤٠ جنيه .

قرقر: آخر سف. . . وآخر ظمع .

زقلط: دا طمعهم و لا طمع الشيخ تلفزيون بتاع كفر الطماعين.

قرقر: النهاردة الإضراب علشان هم عايزين يفضلوا يمصوا في دمنا ويفضل خيرنا لغيرنا. . . وإحنا بنشارك الشعب المصرى . . . الله يحميك . . . وينصرك على كل من يعاديك يا مصر .

[يطل الجاويش من الباب ومعه علوان]

الجاويش: ادخل يا شيخ علوان. . . خدوا بالكم منه يا أولاد.

زقلط: دا إحنا نشيله فوق رءوسنا علشان خاطرك بس . . . أهلاً وسهلاً يا شيخ علوان .

حميدو: قوللي بقى يا شيخ تلفزيون. . . أنت قتلت ابنك في زعله والا. . . [يشير بيده إلى فمه].

قرقر: أنت من كفر الطماعين والا من كفر الكدابين.

علوان: كفر الطماعين أول بندر الجيزة.

قرقر: نعرف أول بندر الجيزة إيه. . . جنينة الحيوانات.

قرقر: [ضحك] [يخرج قرقر ثم يعود].

الشيخ كرفس: يا ناس عيب دا زى أبوكم.

علوان: أهو كل واحد بيعمل بأصله.

زقلط: سامع یا شیخ کرفس. . . عاجبك اللی بیقوله والله أنا دمی فایر دلوقت لو قمت حمخلص علیه.

الشيخ كرفس: أنت تعمل سبع ولما بيجى الشاويش تقول له حسسيله فوق دماغنا. . . هى دى المرجلة بتاعتك.

زقلط: أنت حتكلم معايا كمان . . . أنا أروح فيك تأبيده والله العظيم .

حميدو: روقوا دمكم يا جساعة... بقى الراجل ده حميدو: حيخليكم تهبوا في بعض كده... ما كنا كويسين لحد الصبح... كله منك يا شيخ تلف زيون... قسومت الرجالة على بعض وقعدت تتفرج... هدوا دمكم يا جساعة

وصلوا على النبي.

علوان: ما همًّا اللي قاعدين ينبطوا.

[يتهامس حميدو وزقلط وقرقر].

قرقر: يا جماعة سيبوا الراجل هو إكمنه طيب بقه

تقوموا تهبوا فيه كده... معلش يا شيخ علوان... بكره الفرج يجيلك... بيقولوا فيه عفو لكل من قضى ربع المدة والمخدرات اللى زبى طالعين عفو شامل... أخبار أكيده

سمعتها في الزيارة وقالوا لي إنهم قروها في

الجرنان بعينهم . . . معاكش سيجارة بقى .

[يدخل الشيخ طلبة].

الشيخ طلبة: السلام عليكم . . . ما لكم قاعدين كده لا

نفضتم أبراش ولامليتم الجردل والزنزانه

متبهدله كده . . . مين عليه الدورى؟

حميدو: الشيخ كرفس النضافة. . . والشيخ علوان

الجردل.

الشيخ طلبة: يا جــمــاعــة لألأ . . . دا زى والدكم ولازم تاخدوا بالكم منه . . . دا خدمته فيها ثواب .

زقلط: اقعد والله يا شيخ طلبه . . . فين أخبارك الحلوة والله أنا كل ما بشوفك كده قلبي بيتفتح .

الشيخ طلبة: [وهو يهم بالجلوس] بيقولوا فيه حفلة في مولد النبي . . . حفلة تمثيل وبتوع الجامعة الشعبية جايبن .

زقلط: يعنى الحبسة اتحسنت. . . الشهر اللي فات حفلة وسيماو . . .

الشيخ طلبة: بس كده . . . دا مجلة السجون جه فيها إن مصلحة السجون حتد حل سراير ونور كهرباء . . . وفي سجن مصر وإصلاحية الجيزة خلاص كل حاجة بقت تمام .

زقلط: أمال حنطلع نعمل إيه . . . إذا كان السجن بقى فيه كانتين ورياضة وسيما ومرسح ولحمة كل يوم وبصاره يوم الاتنين . . . ولسه .

الشيخ طلبة: [بتعبجب] نطلع نعمل إيه... هى الحرية تتعوض يا ابنى... دا الواحد ياكلها بدقة وما ينحبس فى قصر.. دا كفاية بهدله الأولاد... وكمان الإيد البطالة وحشة.

حميدو: عندك حق يا شيخ طلبه . . . بس حيدخلوا الحاجات دى في السجون ليه؟

الشيخ طلبة: زمان كانوا ينظروا للمساجين على إنهم مش بنى آدمين ويحرموهم من كل شيء . . . ويطلع الواحد ناقم على الدنيا واللى فيها ويشيطن أكثر من الأول . . . دلوقت عايزين يشعروا المسجون أنه بنى آدم ويمكن كل واحد يصلح غلطت وباب التوبة مفتوح . . . يعنى يا أولاد العرب . . . إذا ضيقوها علينا ميعجبش وإذا وسعوها علينا برضه ميعجبش .

علوان: بقك بينقط شهد يا شيخ طلبه.

الشيخ طلبة: إزى أحوالك يا شيخ علوان. . . شدة وتزول

كل واحد بيغلط وحديث رسول الله على يقول: «والذى نفس محمد بيده لو لم تذنبوا لذهب الله بكم وأتى بقوم يذنبون فيستغفرون فيغفر لهم».

علوان: تهمتك إيه يا شيخ طلبه؟

الشيخ طلبة: والله عندنا في البلد حصصل خناقسة بين

الأولاد... وأنت سيد العارفين يعملوها الصغار ويقع فيها الكبار... وشهود زور وخدت أنا الحكم... الله يسامح الجميع... دا كله تكفير عن ذنوب... ربنا يصبرنا... يا

شيخ علوان شد حيلك . . . ربنا بيقبل التوبة

والله يا شيخ طلبه تبت والحمد لله. . . واهي

كانت وسوسة شيطان . . . بس يا شيخ

طلبه. . . أنا بشوفها هنا . . . في السجن .

الشيخ طلبة: دى أوهام يا راجل.

الخالصة.

علوان:

حميدو: حودنا كتير عن حكاية التمثيل. . . بصراحة يا

شيخ طُلبه إحنا مفهمناش حاجة من الحفلة اللى فاتت . . كان المشخصتيه عمالين يضربوا باللسان وشويه عرب وسيوف . . . خلونا غنا في الحفلة .

الشيخ طلبة: غت إزاى يا راجل دى كانت حاجة واضحة خالص . . . مسرحية إسلامية عن فتح مصر . . . وأنا فاكرها زى ما يكون شايفها إمبارح .

الشيخ كرنس: أنا أحب الحاجات دى يا شيخ طلبه والنبى تقولنا منها حاجة عشان يوميها كنت في المستشفى عيان.

الشيخ طلبة: مرة تانية أبقى آجي أقولها لك مخصوص.

زقلط: يعنى فى المولد ده حيقولوا إيه . . . كان ميلاد الرسول ﷺ فى عام الفيل والدنيا نورت وكان أبوه عبد الله متوفى وأمه آمنة بنت وهب وأرضعته حليمة السعدية وتكفل به عمه أبو طالب . . . الأسطوانة بتاعة كل نوبه .

الشيخ طلبة: برضه الواعظ حيقول شوية وعظ.

قرقر: هو إحنا ناقصين وعظ . . . كفاية علينا الشيخ كرفس .

زقلط: والتمثيل كفاية علينا الشيخ تلفزيون [ضحك].

الشيخ طلبة: أنا أستأذن. السلام عليكم.

[الجميع يحيه ويخرج]

زقلط: الحبسة احلوت بس هي الحكاية.

قرقر: حتى دى لو سممونا زى واعملوا فى بلاد بره. . .

قدامك عشر سنين عبال ما تخش دنيا . . . علشان أمك مجوزتكش صغير [ضحك].

[فجأة يسمع علوان ضحكة الشيطان].

الشيطان: علوان . . . علوان . . . دخلت السجن وبقيت قاتل يا علوان [ضحك] أقولك اقتل حامد تقتل جبيصى . . . ابنك . . . ضناك . . . أنا مهنش على أسيبك مرمى جيت أطلعك . . . مليش إلا طلب واحد بس .

علوان: ابعد ابعد [يصدر منه حركات هستيرية ويضحك زملاؤه] ابعد ابعد.

[صوت حامد]: متسمعش كلامه. . . دا شيطان والشيطان كذاب . . . ارجع لربك يا عمى دا ربنا غفار . . أنا مسامحك بس توب إلى الله .

[صوت جبيصي يبكي].

[صوت جبيصى]: كده يا أبه تقتل ضناك وتعمل في ولدك كده وتجيب لنا العار.

[صوت حامد]: على كل حال قضا ونفذ . . . بس عود لربك .

الشيطان: [يضحك] بقا اللى يقتل ابنه ربنا يغفر له مش عكن [يكررها مرات].

علوان: مش ممكن . . . [يكررها مرات] مش ممكن مش مكن .

علوان: [یوجه الکلام إلی زملائه] سامعین بیهددونی... حتخربوا بیتی... بیعاکسونی فی التلفزیون. قرقر: الله يخربه كمان وكمان زى ما خربت عقلنا.

زقلط: ربنا يعمره بحريقه.

كرفس: [يغمزهم] يا جماعة سيبوه في حاله.

[صوت العمدة]: بقى تقتل ابنك يا علوان. . . جبت الفضيحة

للبلد... أنا اللي بلغت البندر عنك... وأنا وراك لحد ما أخرب بيتك... يا خاين العيش والملح... لازم أقتلك [يتراجع علوان وكأن

يدين تخنقه] .

علوان: بيعاكسوني في التلفزيون. . . بيهدده في . . . حيبلغوا عني . . . حيبلغوا عني . . .

الشيطان: [يضحك] دا اللى يقتل إبنه مش محكن ربنا يغفر له . . مش محكن مش محكن .

[مون النبخ طلبة]: كل واحد بيخلط وحديث رسول الله يقول: «والذى نفس محمد بيده لو لم تذنبوا لذهب الله بكم وأتى بقوم يذنبون فيستغفرون فيغفر لهم».

الشيطان: [يضحك] مش ممكن. . . مش ممكن.

علوان: [في ذهول] مش محن . . . مش محن . . .

[فضحك ضحكة هستيرية] حوشوهم... يا ناس حرام بيعكسوني في التلفزيون... حوشوهم.

الشيخ كرنس: هم مين يا شيخ علوان.

علوان: بيهددوني . . . حيقتلوني .

[صوت العملة]: لازم أخرب بيتك . . . مش ممكن حسيبك مش مكن .

[صوت حامد]: ربنا يتقبل التوبة يا عمى.

الشيطان: [يضحك] مش محكن. . . مش محكن.

علوان: حوشوهم . . . حوشوهم [يضحك في هستيرية ويتخبط في الحجرة] .

[يضحك أثناء غلق الستار].

«ستار»

...

الفصل الثالث

المنظر: [يفتح الستار على حجرة بمستشفى المجاذيب بها طرابيزة ودكة. . وكرسيان وبعض الصور . . . يوجد بعض المجانين بالمكان يقومون بحركات وأصوات مختلفة . . اثنان يقومان بحركات رياضية . . الثالث ينادى . . اللبن الحليب . الرابع يصف فسر وينادى : (تذاكسر واشتراكات) .

الخامس يمشى على يديه فى المسرح . السادس ينادى: "بعلى يناكوسه . . . مجنونة يا أوطة» .

السابع: أنا نابليون «يمسك بسيف خشبى بيده». ويدخل مجنون وهو يصفر كصفير القطار وهو يدب برجليه في الأرض... يقدم الآخرين، يمسك ديل الجاكته كل في ذيل الآخرين، يمسك ديل الجاكته كل في ذيل الآخر ويتجهون نحو الباب. يقوم الذي يصفر كالكمساري بالمناداة: تذاكر واشتراكات ويجرى وراء الآخرين إلى خارج المسرح].

[يدخل تومرجى وفى يده اثنان إيراد وقد أجلسهما على الدكة فما يكون من أحدهما إلا أن يقف ويطل فى السقف ويعد...، ٣١٣...٣١٣. والخ والآخر يضع أذنه على الأرض يريد أن يسمع شيئًا].

عبد الحليم: يا إخواتى كل يوم زباين ما لهاش عدد... نص الناس جوه والنص الثانى بيشاور عقله... كل يوم أشكال وألوان... أيوه [يقرأ من ورقة] عبد الخالق عبد الصبور... حالته بيعد نجوم السما [يقرأ من ورقه أخرى] عبد السلام سلامه سلام . . . حالته يريد أن يسمع صوت الطور اللي شايل الدنيا على قرنه . . . عجايب . . . أما أوصل للدكتور الجندى عشان يشوف حالتهم .

[يخرج المرض].

[المسرح يخلو لمدة نصف دقيقة].

[من الباب] هي دي الأوكنده اللي بيشتغل فيها قريب ميخائيل أفندي ناظر عزبة الفرماوي . . . يا سلام يا واديا بسطويسي . . . باين عليها كبيرة جوى . . . خش يا واد خش .

[يدخل العمدة ومعه بسطويسي حاملاً سبتًا في يمينه وقفة في الشمال، وقد أمسك العمدة بيده عصا غليظة وضخمة وعلى رأسه عمامة كبيرة].

بسطويسى: شايف التساويريا عمدة . . . شايف الحيطة مدهونة بالزيت . . . وبنات مصر .

العمدة: أيوه بنات مصر . . . والدراعات اللي عامله زى الألماظية . . . آه يا نارى .

[يدخلان فلا يريان الاتنين الموجودين أحدهما مختفي وراء الطرابيزة والثاني وراء الباب].

العمدة: [يزعق العمدة] يا خلايج ياللى هنا... ما لها كده ساكتة زى الخرابة... أمال ميخائيل أفندى بيقول زباينها كتير جوى... ما لها منفضة كده... دا الجتيل يتجتل فيها في عز الجياله. [ينظر فيجد إنسانًا منبطحًا على الأرض فيتراجع

العمدة: بسم الله الرحمن الرحيم [يتراجع فيصدم بالذى بعد نجوم السماء فيرفع ذلك صوته قائلاً: ... ٨٥٠ ... إلخ].

قائلاً] .

العمدة: [العمدة يتراجع ويقول: أعوذ بالله من الشيطان الرجيم [يتف في عبه] ولا يا بسطويسي.

[يشير المجنون المنبطح على الأرض إلى العمدة

بالسكوت ويدعوه ليستمع هو الآخر . . . وينام العمدة . . . وفي هذه الأثناء يخرج المجنون من الباب الذي دخل منه العمدة . . .

[يقف العمدة وينفض ملابسه] .

العمدة: هي دى التساهيل اللي حيعملها قريب ميخائيل أفندي . . . هي من أولها اتنين خرص .

بسطويسى: معلهش يا عمدة . . . الدنيا مليانه عجايب . . .

أنت دلوقت مفرهض من السفرية. . . مدد شوية عبال ما نشوف لِها حلال.

العمدة: أنا حمدد. . . خد بالك يا بسطويسى أنا مش حنام أنا يدوبك حسخلى جسسمى يلمس الأرض . . . أول ما يبجى حد صحينى .

[العمدة يضع العمامة والعصاية على المنضدة ويمدد على الدكة].

[المسرح خال لمدة نصف دقيقة].

مجنون رقم ١: أنا سندباد لفيت البلاد . . . عديت بحور

وصحاري وهزمت أسود وسيحالي . . . أنا سندياد اخترعت طريقة لصيد الأسود [يصور الطريقة بجسمه ويده فيتراجع العمدة وشيخ الغفر فزعًا] أول ما تشوف الأسد تروح هاجم عليه. . . تحط إيدك في بقه لحدما توصل لعصعوصة الديل وبعدين تروح قالبه زي قردة الشــــراب. . . ها . . . ها . . . ها . . . [يضحك] وأبو قردان. . . يا سلام على أبو قردان وهوه بيمشي كنده [يمشي كأبو قردان] [العمدة وشيخ الغفر يمشيان أمامه ثم يقلده ثم يخسرج المجنون وهو يقسول: سندباد. . . سندباد . . . سندباد] .

[العمدة يتف في عبه وبسطويسي ركبه تهتز].

العمدة: ولا يا بسطويسي.

بسطويسى: نعم يا حضرة العمدة.

العمدة: أنا خلاص يا وله . . . البرج اللي فاضل كان

حيطيريا وله [يزعق] يخرب بيتك يا ميخائيل أفندى يا ناظر عزبة الفرماوى دى وقعة إيه دى.

بسطويسى: ما تخدش ولا فى بالك يا عمدة . . . مدد . . . مدد وحط فى بطنك بطيخه صيفى . . . [يضرب بالعصا فى الأرض وهو يرتعش ويبرم فى شنبه] معاك سبع يا حضرة العمدة .

خلى بالك من العمه والشال وأنا يدوبك حخلى العمدة: جسمى يلمس الأرض [يشخر] [يدخل المجنون رقم ٢].

[يدخل في اتزان] يا أهلاً وسهلاً.

مجنون رقم ٢: أهلاً بيك [يوجه الكلام لبسطويسي] نسأله بقى العمدة: على سلامه أفندى اللي جايا له التوصية من ميخائيل أفندى.

بسطویسی: أيوه يا عمدة [يوجه كلامه للمجنون] ألا قوللي يافندي . . . فيه موظف . . .

مجنون رفم ۲: أيوه قلت لي موظف. . . تنفيذ أي مشروع ضروري يكون فيه موظفين . . . موظفين لتنفيذ المشروع وموظفين لمراقبة الموظفين اللي بينفذوا المشروع، ولجنة للإشراف على مراقبة الموظفين اللي بييراقبوا الموظفين اللي بينفذوا المشروع، وموظفين لتحضير أعمال لجنة الإشراف اللي بيشرف على الموظفين اللي بيراقبوا الموظفين اللي بينف ذوا المشروع، وموظفين لتخليص أعمال لجنة التحضير لأعمال الإشراف اللى بتشرف على مراقبة الموظفين اللي بيراقبوا الموظفين اللي بينف ذوا المشروع . . . والا مش کده ۔

العمدة:

[یهزرأسه] هو کده. . . کلام ناس متنورین [یوجه کلامه لبسطویسی] فهمت حاجة یا بسطویسی.

سطويسي: يخرب بيتي إذا كنت فهمت حاجة.

مجنون رقم ۲: ما قلتلیش یا حبیبتی إنتی أتأخرتی لیه... أنا قاعد مستنی علی نار... عمال بعد بالثانیة...

أنا مش قادر على فراقك يا حبيبتى . . . إحنا لازم نجوز [يجلس على ركبه ونصف].

البيلاى مهلاً بعد هذا التدلل

فــمــا أنا مــجنون ولست بأهبل ومــا أنا بالهــجــاص كــلا والذي

يلهس في الأقسوال ذون تعسقل

وإن قلت ملحوس فإنك لحستي

وإن قلت دوار فــــإنك برجلى

تعالى نعيش ياليلى في ظل خنكة

ونأكل من رز هناك مـــفلفل

عليه لحوم كالكاوتش بصلصة

وتسلقها في الزيت مثل الفلافل

العمدة: الحقنى يا بسطويسى . . . الله يبتليك برزيه يا

ميخائيل أفندي. . .

بسطويسي: آمين [وهو يرتعش].

مجنون رقم ۲: [يقف على قدميه ويقول في عنف] حريقه . . . حريقه [يوجه العمدة وبسطويسى النظر إلى الشباك والمبنى والرجل ويحاول العمدة أن يسحب العصايه والعمه من على الطربيزه . . . ثم يفاجئون بالمجنون ۲ وهو يقول

[يضىحك ضبحكات عالية جداً ويخرج من المكان].

العمدة: ويا بسطويسي . . . الواد سيب ركبي يا وله .

في جنان] حريقه في قلبي.

بسطویسی: مش قلت لك نبات عند ابن عمی موظف قد الدنیا فی الحكومة بیقبض هو والقاضی ٥٥ جنیه... قلت لی مفیش لازمه.

العمدة: بس لو ماكانش معايا توصية من ميخائيل أفندى لقريبه اللى بيشتغل هنا في الأوكنده، خد بالك لحسن دماغي بتزن.

بسطويسى: متخفش يا عمده معاك سبع [يقولها وهو

يرتعش] أنا حقرا الفاتحة سبع مرات والصمدية

٧ مـــرات. . . وقل أعــوذ برب الفلق ٧

مرات. . . وباذن الله ربنا يفتح الأبواب.

العمدة: وكمان الفاتحة لسيدى الشعراني . . . سره باتع

والمدبولي. . . دا إحنا هنا في حماهم، يصمت

العمدة قليلا ثم يقول: بس اللي مش داخل

مخى حكاية صياد الأسود.

بسطويسي: وقلبه الأسدزي فردة الشراب. . .

العمدة: والا اللي اتخبل في دماغه وفاكرني حرمه.

بسطویسی: یعنی مشفش شقاوة بتوع مصر . . . أنت مش

شايفه لابس نضاره. . . دا لازم أعمى. . . هو

مش شايف الشنبات اللي يقف عليها الصقر دى

[يبرم شنباته هو والعمدة وأثناء انسجامهما

يدخل المجنون رقم ٣].

مجنون رقم ٣: أخلع الضرس بعود كبريت . . . لا بنج ولا

دجل بقدرة قادر كده خلع كده تركيب. . . مين قال اخلع . . . أنا محسوب كل اللي يصلي عا النبى . . . الغش حرام . . . الدجل حرام . . . الكدب حرام . . . الموضوع كله أمانه [يمسك بعدة أكواب دى كوبايه بيضه [يمسك بيده منديلاً أحمر] دا منديل أحمر . . . اللي يقولك أخلى الكوبايه حمره يبقى نصاب. . . اللي يقـولك أنا أخلى المنديل أبيض برضــه يبــقى نصاب. . . معانا شربه مضمونه . . . شربة الزيت تنزل زيت، شربة الملح تنزل ملح [يخرج كيسًا صغيرًا في يده ويرفعه] وشربة الشيخ محمود وربك المبود تنزلهم أحناش أحناش . . . مسين قسال هات وصلى على النبي . . . بقرش صاغ واحد بس . . . مزيج اللحسلاح يمنع الأرباج يمنع المغص يمنع الحموضة. . . تركيبه عجيبة للدكتور عوض الله بقرش صاغ. . . أعمال عمليات من كل صنف.

العمدة: الظاهر عليه دكتور شاطر جوى بس ماله بيزعق كده.

بسطویسی: أصلهم كتير في مصر ولازم يعمل كده. ...

العمدة: بقى مـزيج اللحلاح يمنع المغص بقرش صاغ واحـدبس. . . يا بلاش دانا فى يوم مـا رحت للدكتور فى البندر وكان جنبى اليمين بينغز على . . كاتبلى دوا ييجى بجنيه . . . وقال خد تلات مـعـالق بين بعـد كل أكله . . . وعـتـه وسـفـيت ييـجى تلات أرطال بن ولا فـيـه فايده . . . تفتكر رحتله بعد كده أبدًا .

بسطویسی: ما تقولوا علی زنقة البول یمکن یکون لها دوا عنده.

العمدة: اسمع يا دكتور . . . أنا ساعات البول بيحبس وأقعد أقول آه . . . آه . [يردد معه بسطويسي

ويقول: آه] وقالوا لى لازم عملية خفت لأنهم بيقولوا دى مضمونة واحد في الميه.

مجنون رقم ٣: عال . . . عال خالص . . . أنا أضمنلك غاحها . . . ألف مبروك . . . أنا عملتها لـ ٩٩ واحد وماتوا [يضع أصبعه في فمه ويقول] أعملها لك وتجيبلي شوكولاته [يدخل دكتور المستشفى فجأة ومعه تومرجيه ليس منهم الذي دخل بالإيراد] .

الدكتور الجندى: أهلاً وسهلاً. . . مين فيكم اللي بيعد نجوم السماء ومن عايز يسمع صوت الطور اللي شايل الدنيا على قرنه .

[نظرات متبادلة بين العمدة وبسطويسي].

العمدة: وداكمان يطلع إيه . . . يخرب بيتك يا ميخائيل أفندى يا ناظر عزبة الفرماوى . . . لى معاك حساب . . . شيل يا بسطويسى الحاجة . . . على الطلاق لارجع البلد حالا [يحمل

بسطويسى السبت والقفة ويحاول العمدة أن يأخذ العصاية والعمة].

الدكتور الجندى: الظاهر الحكاية مش نجوم سما وقرن طور وبس [يغمز بعينيه فيقوم التومرجية بمحاولة تكتيف العمدة وبسطويسي].

بسطویسی: مش قلت لك یا عمدة حیعملوها نصابین مصر . . . أهو عملونا مشخصتیه و بعدین عملوا رباطیة علینا . . . مفیش حل الا نزعق علی سلام أفندی .

لعمدة: [بأعلى صوته] يا سلامة أفندى.

بسطویسی: [بأعلی صوت ویکرورها مرات] یا سلامة أفندی . . .

[يدخل التومرجى الذى كان قد دخل بالإيراد ويضحك ضحكات متواصلة].

الدكتور الجندى: أنت اتجننت والا إيه يا عبد الحليم.

عبد الحليم: أصل مش هم دول يا دكتور.

[يدخل عسكري ومعه اثنان ويقول للدكتور]

عسكرى الحراسة: تمام يا أفندى . . . كانوا عايزين يخرجوا من المستشفى .

عبد الحليم: [يشير إلى الداخلين] أهو هم دول بتوع نجوم السما وقرن الطور.

الدكتور الجندى: أمال دول مين . . . حلوهم . . . أيوه يا عمى أنت وهوه . . . أنتم داخلين ليه .

العمدة: داخلين ليه . . . هى الزباين بتعمل فيها كده عندكم . . . الحكاية إن إحنا عسمدة كفسر الطماعين ومعنا بسطويسي شيخ الغفر حبينا

نشم شوية هوا في مصر . . . ميخائيل أفندى ناظر عزبة الفرماوى بيعزنى جوى [بسطويسى يردد: جوى جوى] معرفة عشرين سنة وعيش وملح سوا . . . قال أنا حدلك على أوكنده حلوه جوى . . . وادانى توصيه لسلامه أفندى ابن عمه اللى بيشتغل في الأوكنده . . . وعنها وجينا هنا . . . مش دى أوكنده السعادة الأبدية» .

[الدكتور يضحك ضحكًا متواصلاً ويأمر بإدخال المرضى].

الدكتور الجندى: لا يا حضرة العمدة . . . لوكانده «السعادة الدكتور الجندى: الأبدية» في المبنى اللي جنبينا . . . إحنا هنا في مستشفى المجاذيب . . .

العمدة: السرايا الصفرا. . . يا خرابي .

[يحاول أن يأخذ العصا والعمة من جديد].

الدكتور الجندى: مش ممكن تمشى وأنت حالتك بالشكل ده...

إحنا أزعجناك . . . لازم تستريح شويه وتشرب قهوة وإحنا متأسفين على اللي حصل .

العمدة: فى الحقيقة يا دكتور أنا من ساعة ما دخلت هنا وشفت اللى شفته كان عقلى حيطير . . . وربنا يستر . . . الحمد لله على كل حال . . . الحمد لله .

بسطويسى: [يهمس فى أذن العمدة] ما تقول له يخلينا نشوف علوان.

العمدة: يا حضرة الدكتور . . . إحنا لنا واحد بلديات هنا اسمه علوان عبد الباسط . . . لو خليتنا نشوفه يبقى جميل ميتنسيش طول العمر .

الدكتور الجندى: طلب بسيط [ينادى] يا عبد الحليم. . . شوف علوان عبد الباسط وهاته هنا .

العمدة: والله يا حضرة الدكتور الراجل ده كان عال العمدة: العال . . . بس مش عارف إيه اللي جراله مرة واحدة [متأسفًا] كنت معاه قبل ما يعمل عملته

ويقتل ابنه پيجي بساعة . . . وضروري أبلغ عنه وعنها ويلغت اليندر . . . وتحقيق نياية ومحكمة. . . وعنه وجاله حكم ١٥ سنة سجن.

بسطویسی: من غیر مؤاخذه ابن أخوه عنده طین . . . وهو طمع وقام مموته . . . أتاريه قام يصلى وابنه كان إستحب وراح نام مسرح ابن عسه . . . قام الراجل مموت ابنه.

العمدة:

حامد . . . يا سلام . . . ابن أصل تمام . . . لما جبيمي ولدعلوان مات وعلوان دخل السجن . . . حامد كل يوم والتاني يشوف أولاد عمه اللي كان عايز يقتله . . . هوه اللي بيصرف عليهم دلوقت . . . وودوا الكبير منهم المدرسة في البندر . . . وقبل ما علوان ما يبجى هنا كان بيزوره في السجن ما فوتش و لا شهر . . .

الدكتور الجندي: ﴿ دَا شَخْصَيْتُهُ ظُرِيفُهُ . . . ودايما ييجي هنا كتير وإحنا

سمحينله يدخل في أي وقت [يدخل عبد الحليم].

عبد الحليم: أدخل علوان عبد الباسط.

الدكتور الجندى: [لبسطويسى والعمدة] تسمحوا شويه علشان أقدر أمهد للزيارة [يخرج بسطويسى والعمدة من الباب].

[يدخل علوان].

الدكتور الجندى: اسمع يا علوان فيمه ناس جمايين يزوروك النهارة.

الدكتور الجندى: أبدًا يا علوان دول بيعزوك وبيحبولك كل خير... وكل اللي عاوزه منك تبقى هادى في الزياره.

علوان: شوف [یشیر فی الهواء] بیهددونی بیشتمونی . . . أنا غلبت . . . مش عایز أرد عليهم حطيت قطن في بُقي لكن مش قادر . . .

شایفهم . . . سامع یا دکتور شتیمتهم . . . بیهددونی .

الدكتور الجندى: كل اللي يكلمك أنا حبهدله.

[يأذن لبسطويسي والعمدة بالدخول].

العمدة: السلام عليكم يا علوان.

علوان: بيعاكسوني في التلفزيون. . . بيهددوني . . .

حيبلغوا عني . . . حيخربوا بيتي . . . ابعدوا

ابعدوا. . . بيعاكسوني في التلفزيون.

العمدة: دا إحنا حبايب يا علوان . . . يا خسارة يا رجاله

دا العقل زينه.

علوان: حيقتلوني . . . حيبلغوا عني . . . حتخربوا

بیتی .

العمدة:

[يدخل حامد. . . وعلوان يتهادي].

دبور زن على خراب عيشه. . . لا طال أرض

ولا ولد.

[يندفع حامد نجو عمه].

حامد: عمی...عمی...

العمدة: برضه الضفر ميطلعش من اللحم وعمر الدم ما يبقى مايه أبدًا.

[يقف الجميع في تأثر].

حامد: [يقول في قوة] صدق الله العظيم ﴿ إِنَّ الشَّيْطَانَ لَكُمْ عَدُوًّ فَاتُخذُوهُ عَدُوًّا ﴾ [فاطر: ٦].

«ستار»

[ختام]

کتبت فی سبتمبر سنة 1903م **نجیبالگیلائی**

[العلم نون]

د. نجيب الكيلاني

حقوق الطبع محفوظة الطبعة الأولى للناشر ١٤٢٦هـ - ٢٠١٥م

رقم الإيداع: ٢٠١٤/١٥٤٠١ الترقيم الدولى، 978-977-255-446-1



الفصل الأول

[یفتح الستار علی منظر غرفة بالقسم -مکتب یجلس خلفیه شیاویش- باب یؤدی إلی الخارج- باب یؤدی إلی الحجز]

الجاویش محمدین: والله جالك الیوم اللی جعدت فیه علی مكتب
یا محمدین . . . یا فرحتك یا أم محمدین لا
تشوفی و كدك محمدین وهو جاعد علی
الكرسی وجدامه دفتر الأحوال [یمسك بدفتر
الأحوال] یا فرحتك یا أمه لما تشوفینی وأنا
جدامی التلیفون . . . حاجة تفرح . . . حاجة
تطول الرجبة . . . هو یعنی محمدین جلیّل
فی البلد دی . . . جیمة ومركز ووظیفة
میری . . .

[يدخل العسكري عبويس ومعه مبريض بداء الكلب]. عويس: تمام يا أفندم . . . مسكنا الراجل ده بيهوهو . . .

وبيه جرى ورا الناس وكل اللى يقابله عايز يعضه . . . وعاملنا غاغه في الشارع .

[يهوهو الرجل . . . ويحاول عض الشاويش محمدين].

الشاويش محملين: [يتراجع] كتِّفه يا عويس. . . واركنه في التخشيبه . . . لحسن دا خشمه دلوقت ولا خشم الكلب المصعور [عويس يكتفه ويسوقه إلى التخشية]

[يدنجل رجل يسرع. . . ويقول للشاويش مجمدين باستعطاف].

الرجل [حسين الحقنى يا شاويش... وقعت من السما وأنت عقل]: اتلقيتنى... خطفوا الأولاد وأمهم ما غتش طول الليل... تصور ما كسالتش ولا شربتش... وطول الليل ماشيه فى الأوضه رايحه جايه...

الشاويش محمدين: طبعًا الضنا غالى . . . ومبلغتيش ليه من بالليل؟

الرجل: كنت خايف لتموت نفسها يا شاويش. . .

الأولاد صغيرين . . . رجعوهم . . . تقولوا في الإذاعــــة . . . في الجـــرايد . . . المهم إنهم يرجعوا .

الشاويش محمدين: طيب . . . عُلم وسنجـرى اللازم وندور لك . . . على أولادك .

حسين عقل: [بدهشة]أولادي!!

الشاويش محمدين: أمال أو لاد مين؟

حسين عقل: أصل القطة ولدت يا حضرة الشاويش.

الشاويش محمدبن: يا دى الوقعة اللي زى بعضها. . . تعطل وقتى ووقت الحكومة وتزعج الأمن والسلطة علشان أولاد القطة . . . أنا لازم أعملك محضر . . . اسمك اله .

حسين عقل: [مستعطبةً] معلهش يا حضرة الشاويش. الشاويش محمدبن: معلهش إزاى أنا لازم أوديك اللومان. . . أنا لازم ألبسك جنايه. . .

حسين عقل: مفيش لزوم يا حضرة الشاويش.

الشاويش محمدين: إنت فاكرني لعبة دا أنا الشاويش محمدين. . .

لو كان كل حاجة معلهش كانت الحكومة حطت قدامى دفتر الأحوال ليه، لو كان كل حاجة معلهش كانت الحكومة حطت على إيدى تلات شرايط ليه.

حسين عقل: أنا في عرضك يا حضرة الشاويش.

الشاویش محمدین: أنا مش حـــســـــبك . . . لازم أدوقك برد الميس محمدین المیسری . . . یا حـســین هوسه . . . یا حسین بدنجان [ینادی] یا عویس [یدخل عویس] .

عويس: تمام يا أفندم.

الشاويش محمدبن: إركن اللوح ده في التخشيبه.

[يمسك الرجل ويدخله وهو يستغيث: في عرضك يا شاويش] [يحاول الشاويش محمدين أن ينام. . . يسمع رنين جرس التليفون].

الشاريش محملين: يا ترى مين اللى بيرن علينا على الصبح . . . يا ترى مين اللى الحراميه عمروا بيته بسريجه [يمسك سماعة التليفون بالمقلوب ثم يعدلها] .

زكى الشاطر: عويس خرج مع حضرة الضابط.

الشاويش محمدين: أنت العسكرى الجديد.

زكى الشاطر: أيوه يا أفندم.

الشاويش محملين: دا اسمك إيه؟

زكى الشاظر: زكى الشاطر.

الشاويش محمدين: اسمع يا زكى يا شاطر فتح ودانك معايا. . .

يجى أنا بجالى ٣٠ سنة فى الخدمة . . . راجل دوغرى . . . أحب الضبط والربط وشغل الميرى تمام . . . تفتح عينك للشغل إحنا هنا الحكومة . . . إحنا سلطة الأمن فى البلد أظن كلامى ده يملا المخ . . لما تدخل على هنا لازم تعظم وتقول تمام يا أفندم حصل كذا . . . تمام يا أفندم ما حصلش كذا . . . تمام يا أفندم ما حصلش كذا . . . مفهوم .

زكى الشاطر: [يعظم] تمام يا أفندم.

الشاويش محمدين: إلا بتعرف تكتب وتستجرا.

زكى الشاطر: [يعظم] تمام يا أفندم حصل.

الشاويش محمدين: طيب تعالى أجعد هنا [يترك له مكانه] عبال ما آجى لحسن المأمور طالبنى فى المديرية . . . واللى يجيلك هنا تفتح الدفتر ده [سجله بدفتر الأحوال] وتسأله عن اسمه والشكوى أو التهمة . . . وبعدين تكتب: علم وسنجرى

اللازم. . . ودى أوامر الميرى . . . مفهوم .

زكى الشاطر: [يعظم] تمام يا أفندم.

[يخرج الجاويش محمدين].

[يدخل أفندي ويستغيث].

خليل ولعه: حضرتك الشاويش.

زكى الشاطر: أيوه.

خليل ولعه: حريقه . . . حريقه في البيت .

[يفتح زكى الشاطر دفتر الأحوال في هدوء].

زكى الشاطر: اسمك إيه؟

خليل ولعه: واسمى يفيد في إيه دلوقت.

زكى الشاطر: دى أوامر الميرى.

خليل ولعه: [بغيظ] خليل ولعه.

زكى الشاطر: الشكوى أو التهمه.

خليل ولعه: أنا بقولك البيت مولع.

زكى الشاطر: يعنى مالكش لاتهمه ولا شكوى [يقلد

الشاويش محمدين] بقى أنا راجل دوغرى . . .

أحب الضبط والربط . . . وشغل المسرى تمام . . . وتفتح عينك كسويس . . إحنا هنا الحكومة . . . إحنا هنا سلطة الإمن في البلد . . . أظن الكلام ده ملا مخك .

خليل ولعه: يا شاويش أنا جاى علشان تتصرفوا... والحريقة تنطفي والجرحي يروحوا الإسعاف.

زكى الشاطر: [بصوت عال وهو يكتب] علم وسنجرى اللازم " [ويصرخ] عايز حاجة غير كده؟

خليل ولعة: [يخرج الرجل وهو يخبط كفّاً بكف ويزعق] أروح فين يا عالم يا هوه.

[زكى الشاطر وحده فى المكتب. . يتأمل ما بالحجرة يمسك التليفون ؛ يرن التليفون في في ينزعج . . . يتعرف على أنه مصدر الصوت يقترب منه ويحاول تهدئته بالحسنى ولا فائدة فيخلع فردة من حذائه ويضربه].

زكى الشاطر: الله يكون في عون الشاويش محمدين. . حيلاحق عليك مداسات منين؟

[يدخل عسكرى وفي يده رجل يلبس ملابس بلدية وهو أمين أبو سنة تاجر المخدرات].

العسكرى الداخل: استلم ده . . . تاجر المخدرات . . . وأدى ورقه جاى من النيابة .

زكى الشاطر: [يزح العسكرى فيركن أوراق النيابة جانبًا ويفتح دفتر الأحوال] إسمك إيه؟

أمين أبو سنة: أمين أبو سنة والشهرة المعلم أبو سنة.

زكى الشاطر: لك شكوى.

أمين أبو سنة: لا.

زكى الشاطر: أمال جاى ليه؟

أمين أبو سنة: يعني هو أنا كنت عايز آجي.

زكى الشاطر: [يكتب وهو يقرأ بصوت عال] علم وسنجرى اللازم ويصرف. . . وتانى مصرة مش عايز أشوف وشك.

[ينظر أبو سنة إليه في ذهول وفرح ويخرج وهو يدعو].

أمين أبو سنة: الله يعمر بيتك يا باش شاويشنا يا عتره.

زكى الشاطر: هو بيدعى لى ليه . . . هو أنا جبت حاجة من عندى . . . دى أوامر الميرى . . . أوامر الميادى . . . أوامر الشاويش محمدين . . . اللى ييجى آخد إسمه والتهمة أو الشكوى وعلم وسنجرى اللازم ويصرف . . . دى أوامر الميرى . . علم وسنجرى اللازم .

[يدخل الجاويش محمدين].

زكى الشاطر: [يقف ويبجى] تمام يا أفندم . . . أوامر الميرى تمام .

الشاويش محمدين: الضبط والربط تمام؟

زكى الشاطر: تمام يا أفندم [يعظم].

الشاويش محمدين: روح إنت على البوابة .

[يدخل عسكري ومعه أفندي أنيق جداً].

الشاويش محمدبن: [يفتح دفتر الأحوال] إسمك إيه؟

فاروق: فاروق أحمد فؤاد.

[يقرأ من أوراقه] النصب وادعاء أنه مدير شركة

سينمائية . . . يا عويس على التخشيبه .

[يتأمل عويس الأفندي من فوق لتحت بدهشة ثم يدفع به إلى التخشيبه].

[يدخل رجل معمم ومعه اثنان آخران].

الأول: دى بتاعتى.

الثاني: هي الحكاية سف.

الشاويش محمدين: إيه الغاغه دى . . . إقفل خاشمك منك له . . .

هو مفيش ضبط وربط في البلد دي . . . إيه الحكامة؟

الأول: أنا جاى من البلديا حضرة الشاويش واحد بلدياتي إداني الصرة دى أوصلها لواحد قريبه هنا في مصر، وأنا قاعد في الحلزونة لقيت الاتنين دول هاجمين على الصرة...

الأول والثاني: [يقاطعونه في الكلام: كذاب. . . كذاب].

الشاويش محمدين: بس طيب وانت.

الثانى: الصرة دى بتاعتى . . . واسألوا الناس اللى فى الأوتوبيس .

الشاويش محمدين: وإنت؟

الثانى: سأروى لك ما حدث بلا تطويل ولا تحوير بلا تزويق ولا تنميق فإن كشرة الكلام ينسى

بعضه بعضاً هكذا يقول الحكماء. . .

الشاويش محملين: خلينا في الصرة . . . يا سيدنا الشيخ .

الثاني [شيخ]: انتظرني فإني لا شك آتي. . . ولا محالة آتي. .

ولا ريب سندخل في الصرة وسأروى لك ما كان من أمرها . . . فالصرة صرتى لكن ما حيلتي . . . صحيح أنى رجل لا أحب كثرة الكلام . . . وخير الكلام ما قل ودل [وكأنه يخطب] وأقول لك باختصار وأطالبك يا حضرة

الجاويش. . . أن تعيد الحق إلى نصابه وترد الباطل على أعقابه فتعيد إلى صرتى ، أما هؤلاء فلينصرفوا بالتي . . . هي أحسن .

[يفتخ الصرة ويفرغها على الأرض] [تظهر علامات الاستغراب على الجميع] [يقول كل منهم: لا مش هي الصرة دي].

الشاويش محمدبن: انجر من قدامي يا تلقيحه منك له . . . اطلع يا ابن الفرطوس .

[يهرولون خارجين].

الشاريش محمدين: [يدق جرس التليفون ويرفع محمدين السماعة] أيوه . . . مين . . . نيابة المخدرات . . . أيوه يا أفندم . . . أمين أبو سنة تاجر المخدرات . . . حاضريا أفندم . . . زورته حالاً يا أفندم [ينادي] يا عويس [يدخل عويس].

عويس: تمام يا أفندم.

الشاريش محمدين: طلع أمين أبو سنة من الحجز وهاته.

[ينادى عويس من باب الحجز . . . أمين أبو سنة أمين أبو سنة . . . ثم يعود].

عويس: تمام يا أفندم مش موجود.

[يقرأ في دفتر الأحوال] أمين أبو سنة [بدهشة] علم وسنجرى اللازم ويصرف .

[يدخل زكى الشاطر].

زكى الشاطر: [يعظم] تمام يا أفندم . . . حضرتك طلبتني .

الشاويش محمدين: [يشخط] خربت بيتى . . . يا خراب مستعجل [يوجه إليه الكلام] تاجر مخدرات تكتب قدامه

علم وسنجرى اللازم وتصرفه . . . نوّحى على ولدك يا أم محمدين .

زكى الشاطر: أوامر الميرى يا أفندم.

الشاريش محمدين: أو امر الميرى يا مغفل البعيد. . . رحنا في داهية واللي كان كان . . . إقف هنا واللي ييجى دخله التخشيبه . يعنى الحجز . . . يعنى هنا [يشير إلى باب الحجرة] حاشوف المخبرين . . . يمكن يجيبوه قبل النيابة والمباحث ما يخدوا علم .

[يخرج محمدين وهو يقول: اتخرب بيتك يا محمدين] [يدخل العمدة وشيخ الغفر وهو يحمل قفه وسبت].

العمدة: سلام عليكم يا حضرة الشاويش.

[يسلمان على زكى الشاطر بشدة].

[لبسطويسي] اجعد عبال ما صابر ييجى.

[يجلسان].

زكى الشاطر: عايزين إيه؟

بسطويسى: بقى الحكاية وما فيها. . . إن حضرة العمدة [يقف وييجى] ابنه هنا. . . ولما جينا مصر نزور المشايخ قلنا نريح جنبنا فين غير عند صابر أفندى ابن حضرة العمدة .

زكى الشاطر: وهو موظف هنا...

بسطویسی: لاتنسی واخد بالك . . . ه . . . ه عقبال عندك ساكن .

زكى الشاطر: مش معقول إزاى الكلام دى.

بسطویسی: قلتلی إزای . . . لما استقر دلنا العنوان بتاعه . . . قالوا أن الشارع فی جسم الجیزة . . . فجینا علی الجسم . . . لفینا فیه کله . . . أسأل صابر أفندی هنا يقولوا لا . . . وبعدين واحد أفندی ابن حلال دلنی علی هنا . . . وقال کل اللی ييجی

على هنا فسجينا على طول. [يجلس زكى الشاطر على المكتب ويفتح دفتر الأحوال].

زكى الشاطر: إسمك إيه؟

العمدة: عبد الموجود الشنواني عمده كفر الشيخ سلامه

[ينظر لبسطويسي فيضرب التحية].

زكى الشاطر: وإنت؟

بسطويسى: بسطويسى شرف الدين.

زكى الشاطر: مفيش شكاوى.

العمدة: الشكوى لغير الله مذله.

بسطويسى: مستوره والحمد لله.

زكى الشاطر: طيب ادخلو هنا استنوا. . . أصلى جـــديد ومعرفش حد.

[يدخلان الحجز].

زكى الشاطر: [يقرأ ما يكتب] علم وسنجرى اللازم وادخلوا. الحجز [يدخل محمدين].

الشاویش محمدین: یا خراب بیتك یا محمدین. . . نوّحی علی یا أم . . . یا غرقتك یا محمدین .

[يتبين وجود زكى الشاطر].

زكى الشاطر: حصل إيه يا حضرة الشاويش لا قدر الله.

الشاريش محمدين: ولا حاجة. . . جناية هروب أمين أبو سنة . . .

لبست الأزرق يا محمدين . . . يا بوظان الضبط

والربط من بعدك يا محمدين.

«ستار»

الفصل الثاني

[حجرة بها ٧ أفراد وهي غرفة الحجز].

بسطویسی: وهما دول مستنین صابر لیه؟

العمدة: ما هو دا اللي عايز أعرفه . . .

[بسطويسي يتأمل المكان فيجد المجذوب.

المجذوب: ويقول: الله حي. . . الله حي].

بسطويسي: [بسطويسي ينظر إليه وكأنه عثر على السبب]

لازم فيه حلقة ذكريا حضرة العمدة. . . من

يومك مهتدى يا صابر أفندى . . . يا بركة

الأولياء . . . مش تحييهم يا حضرة العمدة .

العمدة: برضه واجب [يوجد نظرة إلى الموجودين]

شرفتونا. . . أهلاً وسهالاً . . . خطوة

عزيزة . . . سلامات .

الأسناذ كروان: [يغني] سلامات يا واحشني وأهلاً بيك.

[الرجل الذي يهوهو . . . يحاول أن يعضه ،

. المجذوب يزعق: يا سيدى الرفاعي مدد الله

حى . . . الله حي] .

العمدة: ولَّهُ يا بسطويسي . . . شايف يا وله .

بسطویسی: اسکت یا حضرة العمدة لحسن یقولوا علینا ما بنفهمش.

العمدة: ليه يا وله.

بسطویسی: مش الشیخ عبد السمیع قالك أن كل واحد فی مصر حریعمل اللی هو عایزه. . . احنا هنا فی مصر . . . وواحد مزاجه أرمنت تعمل له اله . . ؟

العمدة: أيوه قلت لى يا وله.

بسطويسي: والظاهر الناس ولَّفوا على كده. .

[يقبل نحوهما فاروق أحمد فؤاد].

[العمدة يقف ويقول: أهلاً وسهلاً بالأستاذ].

الأستاذ كروان: [يغني]

أستاذ حمام نحن الزغاليل

من غير جناح بنميل ونطير

والمكر فينا طبع جميل

قلنا لأ لأ يعني نعم.

فاروق: وحضرنك مين؟

بسطويسى: هو أنت متعرفوش [ينظر ثم يقول] أبو صابر.

فاروق: أهلاً وسهلاً والله صابر كلمني عن حضرتك

كتير قوى ومش عارف أودى وشي فين.

العمدة: مفيش لزوم الكسوف يا ابنى انتوا إخوات.

[دا صابر يشبه حضرتك تمام].

بسطویسی: [یفخر] أمال... ابن أصل... وحضرتك تقی مین؟

ببھی میں ،

فاروق: فاروق. . . صاحب صابر الروح بالروح . . . أنا مش عارف اتأخر ليه؟

[يسمع صوت الرجل يهوهو. . . والآخر

يقول: الله حي. . . الله حي. . . والرجل النائم

حسين عِمَل يستيقظ كل لحظة ويقول: خطفوا الأولاد].

العمدة: هو دايمًا يتأخر كده؟

فاروق: أبداً دا من البيت للجامع ومن الجامع للبيت.

بسطویسی: الله یه دیك كمان وكمان یا صابر أفندی . . . یا فرحة أمك بیك یا صابر .

الأستاذ كروان: يا أمه القمر على الباب نور قناديله . . . إلخ .

فاروق: وحضرتك جيت من البلد أمتى.

العمدة: النهاردة.

[ينظر العمدة بدهشة في المكان ويبحلق في أولئك الذين يقومون بركات الهوهوه... والدرويش... وحسين عقل].

فاروق: تصور أني نسيت اسم البلد. . . المشاغل كتير .

بسطويسى: الله يكون في العون. . . اللي قدامك عبد

الموجود الشنواني [بيه سابقًا] عمدة كفر الشيخ سلامه [يعتدل في نفسه ويعظم] أبو صابر اللي

زى ما أنت عارف في التجارة العالية.

فاروق: أنا بإذن الله ناوى أشغله حته شغله . . . بس لما يتخرج . . .

[يقترب منهم الرجل المعقور. . . ويحاول عضهم ويفزع العمدة وبسطويسي].

العمدة: هو صحيح حر . . . يهوهو زى ما هو عايز لكن عض الناس لأ . . .

فاروق: هو دايمًا يحب يهزر... وأنا نصحت صابر كتير علشان ميمشيش مع الأشكال دى... لكن صابر قلبه طيب ودايمًا يقوللى دا غلبان سك.

الأسناذ كروان: [يغني]:

سیبك منهم دا مفیش غیری

قیمة ومركز ووظیفة میری.

فاروق ما كفاية يا أستاذ كروان. . . بعدين معاك.

الأستاذ كروان: [يغنى] بعدين معاك . . . بعدين معاك . . . أنا

قلت أمــشى من هنا. . . تقــول: دى سكتى أنا. . . هنا وهنا. . . بعدين معاك.

فاروق:

خلينا في الموضوع بإذن الله حشغله شغله كويسه [بأسف] بس لو كان معاه شوية فلوس كنت خليته اشترك معايا في شركة الاستيراد... وأقدم لك نفسي فاروق أحمد فؤاد مدير شركة كيتي للاستيراد... يعني العربية تيجي لحسابي من بره... وأنا قاعد على المكتب أبيعها وأكسب ٥٠٠ جنيه.

العملة ويسطويسي:

[بدهشة] ٥٠٠ جنيه. . . يا سلام.

بسطويسي:

ما تشارکه إنت يا عمدة. . . بدل ما إنت مشارك على جاموس البلد. . . دى طاقة وانفتحت لك . . . حاجة هوس جوى جوى جوى عوى يا حضرة العمدة .

فاروق:

دا درويش . . . يحب الذكر وحلقات الذكر . . .

وصابر يموت في الذكر ودلوقت تشوف.

بسطويسى: أنا نظرتى متخيبش أبدًا. . . أنا أول ما شفته

قلت لحضرة العمدة لازم صابر حيعمل حلقة

ذکر .

العمدة: حصل يا وله.

الأستاذ كروان: وله يا وله . . . والنبي يا وله . . وارحمني يا

وله. . . آه يا وله .

زهير: السلام عليكم.

فاروق: اسم الأستاذ.

زهير: زهير زهير زهير زهير الطرابلسي من طرابلس

الشام.

زهير: لك يا أزعر . . . لك يخرب بيتك يا عزام

الطرابلسي.

فاروق: صابر ما قليش إن له صاحب شامي . . .

العمدة: برضه لازم تكريمه.

يقصفلي عمرك يا أزعر . . .

زهير: شو عما بتهوهو كالكلب. . . كفايه المصيبه اللي

حلت من ابن عمى عزام الطرابلسي.

فاروق: هدى نفسك شوية.

الأسناذ كروا:ن غنى لى شوية شوية

غني لي وخد عينيه

دا المغنى حياة الروح

يسمعها العليل تشفيه

زهير: وكيف أهدى نفسى الله يلعن هداك اليوم اللي

نزلت فيَّه عند ابن عمى عزام الطرابلسي في

مصر . . . رحتلله على البيت ولما شافني خدني

بالحضن ورحب فيه . . . جميل؟

فاروق: جميل.

العمدة: يا سلام على بنات مصريا وله.

بسطویسی: شی الله یا ست.

الأستاذ كروان يا ست يا راكبه الحمار . . . كلميني وأنا عقلي طار

بقى لى جمعه من درا جمعه في انتظار . .

هو يجري وأنا وراه . . . وأقوله حاه . . .

حسين عقل: تصوروا. . . يخطفوا الأولاد . . . دا أمهم مرميه لوحدها في البيت دلوقت .

العمدة: شدحيلك . . . ربنا يرجعهولك وملك . . . ربنا مينساش حد .

حسين عقل: ربنا يسمع منكم . . . لحسن أمهم حتجن . . .
يخطفوهم وهما أولاد يومين . . . حاكم القطه
ولدت ٤ في بطن واحسده . . . وبعسدين
اتخطفوا .

زهير: شو ما بتقول. . . قطه .

العمدة: زعلان على أولاد القطه . . . علشان خاطر صابر تعالى يوم فى البلد وأنا أشيلك قطط لا لها أول ولا آخر .

زهير: ما بديش أطول عليكم في الكلام . . . رد على الكلام . . . تعرفوا شو قالي .

العمدة: له.

قــال لي س هبك؟ إحنا تحت الطلب يا زهير:

عمّه . . . بديلك ورقة فيها عنوان واحدة عندها جمال ما يمكني أوصفها لك.

بسطویسی: شی الله یاست.

ملاك . . . حورية من الجنة . . . صرخت فيه زهير:

وقلت له أنا بعرض عويناتك سيدي . . . فين هادى الورقة. . . ويدخل جوه أوضه وغاب

شوية وأجا وهو حامل شنطه بإيده اليمين

والورقية بإيده الشيميال وقيالي يتبخيذوا هادي

الشنطة وبتروح على العنوان اللي في الورقة

وحين ما تخبط على الباب تطلع لك السنيوره .

إياها . . . جميل؟

جميل. العمدة:

الأستاذ كروان: جميل جمال . . . مالوش مثال . . . ولا في

الخيال . . . صدق اللي قال جميل جمال . . .

رحت بعَجَل واخدهم منه وقلت له ما بتسألك زهیر: هادى الجميل... ونزلت أدحدل على الدرج ورحت بفورى أدور على العنوان هون وهناك وفي الآخر لقيته.. ولسه عم بخبط ع الباب ما لقيت إلا وشوية شرطة بيحوطوني.

العمدة: شرفتنا . . ألا الشرطة يعنى إيه؟

بسطويسي: ألا الشرطة يعني إيه؟

فاروق: الشرطة يعنى أولاد الحته.

زهير: لك يخرب بيتك يا عزام الطرابلسي. . . لك يا

أزعر . . . اللطف يا ألله في سماواتك .

سعداوى: سلامو عليكم يا معلمين.

زهير: الله يلعن الحشيش. ... واللي عما بيه ربوا

الحشيش واللي عما بيتاجروا في الحشيش. . .

واللي عما بيشربوا حشيش. . . وكمان اللي في

اسمه حشيش.

سعداوی: حشیش. . . مین دا اللی بیعلن أصحاب

المزاج.

شيلوني شنطه . . . والمسكت . . . والعنه ألف زهير:

مرة...

باین علیك مش مصری . سعداوي:

الأستاذ كروان: باين عليك ظوران. . . وحد من الجيران . . .

دله على بيتنا.

زهير زهير زهير زهير الطرابلسي من طرابلس زهیر: الشام.

أنا راجل شهم . . . وأنت ضيفنا ومش يمكن سعداوى:

أعيب فيك . . . لكن الحشيش دا مزاج وتجارته

مزاج وشربه مزاج.

باین علیه ابن مزاج قوی. العمدة:

جوى جوى يا حضرة العمدة. . . دا ولا الشيخ بسطويسي:

عبد الهادي إمام الجامع بتاع البلد.

أنا عارف محرمينه ليه. . . حاجة تفلق . . . سعداوي:

الخمرة معلهاش حاجة والحشيش تأبيده. . .

لكن صاحب المزاج يقول لو كان فيه مفهوميه

كانوا حرموا الخمره... والحشيش لا... ما تقولوا لى ليه؟

بسطویسی: ل...لیه.

الأسناذ كروان: ليه ليه يا عيني ليلي طال

ليه ليه يا عيني دمعي سال .

سعداوی: بقی الخمرة بتخلی الواحد یتوه . . . ویمکن یکون سایق عربیة یدوس بیها حد . . . لکن الحشیش یعمر المخ ویخلی الواحد یفکر فی ملك الله . . . آه أنا ببیع مزاج وعشرین سنة عمار یا مخ خراب یا دنیا .

العمدة: والله عال يا صابر . . . وكمان فاتحها غرزه بحسبك بس لما أشوفك يا مجطوم الرجبه . . . بحسبك موسى تطلع فرعون .

بسطویسی: إیه دی هدی ما أنت بتشرب یا حضرة العمدة . . . والواد لما یحط فی باله فی حاجة زی دی . . . مش أحسن من التلامذة اللی بيسموتوا المعلمين بتوعهم واللي سمعناها في الراديون.

العمدة: هي تحصل للدرجة دي.

بسطویسی: أيوه يا حضرة العمدة... علشان ما ذاكروش وحيسقطوا في الاستمحان... جِلَّة عجْل... بقى الواحد منا كان يتمنى يسجط في استمحان

الجرعة. . . كانت أيام .

فاروق: دى فعلاً مشكلة . . . والحكومة بتدور على حل للموضوع ده . .

بسطويسى: بسيط جوى . . . يا يلغوا الاستمحانات . . . يا يلغوا المعلمين .

فايق: أنا جـدع . . . أنا جـدع . . . أنا فـايق صـاحب مـحـمل أحــذية وشنط بالموسكى . . . راجل جـدع . . . معـايا فلوس أسكر . . . معـاييش فلوس أستلف وأسكر أنا جدع . . . أنا جدع . . . النا جدع . . . لازم العمدة: وكـمان خـمرة يا صـابر يا ابن المغـفل . . . لازم

أشرب من دمك . . . دى آخر تربيتى فيك . . . خمرة يا ابن الحمار .

الأستاذ كروان: شى يا حمار البوسته شى . . . حاه يا حمار البوستاد كروان: البوسته حاه .

بسطویسی: کله إلا الخمره... هو مسمعلوش کلمتین من المعلم سعداوی یفهموه... وأکبر منك بیوم يعرف عنك بسنه... خلاص هو مفسیش احترام... بقی دا اسمه کلام.

العمدة: الحشيش وقلنا مفيش حاجة طب والخمرة ويمكن كمان متلم له على غزية من الغوازى.

بسطویسی: أنا معاك یا حضرة العمدة. . . أنا أول ما أشوفه لازم أهف ه زجلتين يفوقوه . سلام عليكم يا معلمين . .

الجميع: عليكم السلام ورحمة الله وبركاته.

دى . . مدير شركة إيه اليومين دول . . . أظن عمال بتنصبوا على المعلمين . . . أنا منقبلوش الحكاية دى أبداً وتبطلوا ندالة يا دقدق . . . أنا حميدو فتوة السيالة والأجر على الله . . . بقى اسمع منك له له . . . أنا طول عمرى جدع . . . مانعدوش كام مرة دخلت السجن بندوروا في دماغي على سجن ما دخلتوش مش لاقي . . . أنا هنا كومندا والكل تحت إيدى . . أهلاً وسهلاً يا معلم سعداوى . . . وقعت يا سبع فعلهش السجن للرجاله .

الجدعان جايين في إيه؟

جایین زی ما أنت جای . . . ننتظر ابنی صابر .

حميدو: صابر مين؟

العمدة:

بسطويسى: هو أنت متعرفوش . . . إحنا جايين من البلد لقينا العنوان بتاع صابر ابن حضرة العمدة . . . الشارع في جسم الجيزة فجينا على هنا . حميدو: والجدع ده أظن ما قال لكم أن صابر صاحبه

الروح بالروح وعايز يعمل مشروع تجارى

معاه . . . مش كده .

العمدة: حصل . . . فيه الخير .

حميدو: دا أكبر نصاب . . . وصابر مش جاي . . .

وأنت هنا في الحجز .

العمدة: الحجز.

بسطويسي: يعنى أوضة التليفون بتاع البندر.

حميدو: الشاويش لسانه طويل وكلها كام دقيقة والضابط

بيجوا وتروحوا لابنك.

العمدة: ظلمتك يا صابر يا ابني.

العمدة: لكن إيه اللي جابك هنا.

حميدو: كتبوالي محضر في خناقة.

الأسناذ كروان: شيخ محضريا شيخ محضر...

واللي عليه عفريت يحضر.

حميدو: قدر مكتوب. . . احنا ننصبوا وننشلوا ونسرقوا

صحيح . . . لكن عندنا شهامة .

العمدة: أنا قاعد من الصبح مكسوف. . . الأمل عمال

ياكل في جتتي . . . وحاجات تانية ماشية على

الحيط . . . وكنت ناوى أقول صابر يعزل من هنا .

ما تدققش قوى . . . الحاجات دى هنا كتير . . .

دا أكلان الميرى . . . وكل الأقسام بالشكل

ده. . . وأنت لو شفت حجز قسم محرم

بيه . . . تبقى قاعد كدا والأكلان نازل عليك

زى الفدائيين اللى نازلين من الطيارات.

حميدو: الله بلاش دوشة يا واد منك له . . . حاكم أنا .

نعرفوا الأشكال دي كويس.

زهير: لك يخرب بيتك. . . لك يا أزعر يا عزام

الطرابلسي . . . شيلني شنطة الحشيش .

حميدو: كده تتخموا ياكرديه . . . والله تأبيده يا حلو .

زهير: لك يا أزعر.

حميدو: الله يا جدعان . . . لم لسانك لحسن ألمك . . .

كله إلا التلبيخ قال أزعر قال . . . أنا دمى بيفور وما بنعرفوش اللى قدامى . . . أنت تحاسب فى كلامك ولا بعدين خنخلوا الدم للركب.

العمدة: هدى طبعك . . . المسامح كريم .

حميدو: دا علشان خاطرك بس . . . لكن أنا طول عمرى

ما نفوتوه حقى أبدًا. . . طبعى حامى . . .

الإسكندرانيه كلهم كده...

الأستاذ كروان: يا إسكندريه يا أم اللطافه . . .

جدعان في بحرى وكوم الشقافة

زهير: عقبالنا.

زهير: أفندم . . . إدفع ما تريد وتدَّشرني من جهنم الحمراهون .

العسكرى: ابن عمك اعترف أنه صاحب الشنطة...

وحتروح بيتك.

زهير: لك شوعم بتقول يا حاشتى . . . الله يسمعك خبر خير أنت تستاهل على هذا الخبر ميت بوسة من يمَّك .

الفصل الثالث

صابر: إمتى الواحد يرجع البلد. . . إمتى يبجى يوم السبت واخلص من امتحان الشفوى . . . لسه الاتنين والتلات الواحد بقت روحه هنا .

سامى: هانت يا صابر . . . إنت أول واحد أشوفه يحب يروح بلدهم ويسيب مصر .

صابر: هو الريف وحش . . . مش ناوى تزورنا يا سامى . . . واللا إذا ما كانش التصبيف فى إسكندرية مينفعش . . .

سامی: إزای یا صابر . . . أنا نفسسی أزورك و أتمتع بجمال الریف و إنت عارفنی غاوی مناظر طبیعیة و amatews رسم .

صبحی: وأنا من غير ما تكلم عازم نفسى عندك أقلها شهر . . . أخوك مش وش كسوف زى ما أنت راسى .

صابر: يحصلنا الشرف يا إخوانا... وحتشوفوا

الفلاحين الناس اللي عايشين على الفطرة. . .

الجامعة. . . وطبعًا بيضربوا بي المثل.

صبحى: بيضربوا بيك المثل في إيه . . . إنت برضه لسة مش ملحلح .

صابر: يعنى يا صبحى اللي يمشى مستقيم ويعرف ربنا

يبقى مش ملحلح . . . لازم أشرب خمرة

وأرقص مع النسوان . . . علشان أبقى

ملحلح. . . لأ مش كده . . . دا الواحد يبوس

إيده وش وضهر ويحمد ربنا على كده.

صبحى: أنت زعلت والا إيه.

صابر: أبدًا.

صبحى: سكت ليه . . . لازم تقولنا بيضربوا بيك المثل

في إيه .

صابر: عندنا في البلد الواحدة تقول لابنها: يا ما نفسى أشوفك زى صابر أفندى ابن حضرة العمدة وتاخد الشهادة الكبيرة.

سامی: إنت شوقتنی كتير أزور بلدكم يا صابر . . .
والظاهر عليها ane werment

صابر: أنا حوصل أجيب مذكرات مسك الدفاتر من عند سليمان.

صبحى: مفيش مرة تقول حوصل سينما.

صابر: مش ممكن أدخل سينما طول ما الأقلام بتاعتها تافهة بالشكل ده . . . طيب عن إذنكم . . . ربع ساعة بالكتير وأكون هنا . . . أى حد يسأل على خليه ينتظرني .

السلام عليكم.

سامی: good night .

صبحى: أهلاً جميل.

جميل: مساء الخير.

سامى: أهلا. . . إزيك يا cheri.

صبحى: أهلا يا أبو زُمُل. . . مالك عمال بتبص على إيه؟

جميل: الشيخ صابر هنا.

صبحى: لسة خارج من شوية.

صبحی: قزازة براندی . . . يسلم ذوقك . . . فرجت يا سامي .

جميل: وفرصة الشيخ صابر بره... يعنى حنشرب على رواقـــة لا وعظ... ولا أخــــلاق ولا يحزنون..

صبحى: جيت فى وقتك . . . اسمع يا سامى . . . خليك معانا فى معانا . . . شوية فرفشة . . . وتفكر معانا فى الموضوع بجد .

سامى: as you like .

صبحى: طيب أنا أوصل أجيب مزه عند البقال . . . إيه رأيكم نجيب إيه؟

جميل: حتة جبنه وشوية طرشى.

وجنبری وسودانی مقشر . . . و نرجع quichley .

صبحى: حمامة.

جميل: إزاى الأحوال؟

سامي: زي ما أنت شايف الواحد غرقان في الكتير . . .

عامل زى التلامذة اللي بصحيح . . .

جميل: أنا عارف أنتم طايقين الشيخ صابر إزاى٠٠٠

وأنا لو كنت منكم كنت طقيت. . . دا من الدقة القديمة قوى . . . كل ما أسمعه بيتكلم أفتكر

ستى .

العمدة: السلام عليكم.

بسطويسى: مش هنا سكن صابر أفندى ابن جناب العمدة.

سامى: قصدك صابر عبد الموجود الشنواني .

العمدة: أهو إحنا. . . عبد الموجود الشنواني عمدة كفر

الشيخ سلامه .

ومعانا بسطويسى شيخ الغفر جينا نزور السيدة زينب.

بسطویسی: شی الله یا ست.

العمدة: وسيدنا الحسين... قلت تريح جنبك فين غير عند صابر... والا إيه؟

سامى: أهلاً وسهلاً . . . دا الظاهر عليهم suinple خالص.

صبحي: كلها دقيقتين وصابر ييجي.

سامى: وحضرتك أول مرة تيجي فيها مصر.

العمدة: تقدر تقول مش أول مرة المرة الأولانية حكايتها

غريبة جـوى. . . كنت مع أمى الله يرحـمـهـا ويحسن إليها.

بسطويسى: الله يرحمها ويحسن إليها.

العمدة: كان كل ما يتولد لها ولد يموت... وحبلت في آنا... وجت هنا مصر وحطت قطرة على بوابة المتولى واتمرغت في سيدى المغاوري

وعدت قنطرة المدبح . . . وجت سليمه . . . إيه

رأيك في الزيارة دي . . . والا متتحسبش .

بسطویسی: متتحسبش إزای یا حضرة العمدة . . . دی هی الأساس . . . شی الله یا سیدی المدبح .

العمدة: الواد صابر راح فين . . . هو بيسهر بره كتير والا إيه .

سامى: أبدا هو راح يجيب مذكرات مسك الدفاتر علشان امتحان الشفوى بتاعه يوم السبت.

العمدة: مسك الدفاتر.

يسطويسى: يمسك الدفاتر ودى حيتعلم فيها إيه . . . دا عندنا في البلد الواد يبقى طوله شبرين . . . ويمسك دفتر ودفترين وتلاتة من غير علام ولا حاحة .

سامى: دى حاجة gentil .

العمدة: صحيح حاجة تجنن.

العمدة: لازم الواد صابر جاى.

العمدة: دا بيصفر.

سامى: الظاهر دا صبحى . . . لأن صابر راجل له شوية

عادات كده . . . الحقيقة يعنى كويسه . . .

ومش ممكن يصفر علشان نفتح له.

بتصفر له علشان يشرب. . .

سامى: والدصابر.

صبحى: طيب ححط الحاجات في النملية وارجع حالاً.

سامى: صابر لما يسجى يخبطع الباب مرة واتنين

وتلاتة. . . زى أى إنسان غريب. . . وإن كان

معاه مفتاح مش ممكن يدخل إلا لما يخبط

برضه . . . علشان يعرف اللي جوه إن فيه حد

جاي . . .

صبحى: الحقيقة يعنى . . . إن صابر غير الشبان بنوع

اليومين دول. . . وأول ما سكنًا مع بعض رحنا

عاملينه: إمامنا في الصلاة علشان حافظ القرآن.

العمدة: دا كله من أصلكم . . . باين عليكم الهداية والأنوار .

صبحى: الله يحفظك . . . هو صابر لسه مرجعش . . . على كل حال . . . هو راح يجيب الكشكول اللي حيذاكر فيه الشفوى . . . يعنى لا سيما ولا مسرح . . . رجل محافظ .

بسطويسي: زي جناب العمدة.

العمدة: إزاى . . . دا أنا شفت السيما يا وله . . . مرة أنا دخلتها . . . ومرة هي دخلت عندنا .

صبحی: دخلت عندکم إزای...

العمدة: فى يوم طب علينا فى البلد عربية حكومة ونزل منها أفنديات ومعاهم جماشة. . . وماكينة صغيرة لكن صوتها زى الساجية . . . وجه الليل والخلق اتزحمت ترمى الإبرة ما تنزلش الأرض.

صبحى: وكان فيلم إيه؟

العمدة:

في أول رصة كراسي ومعانا بسطويسي شيخ الغفر والأعمان.

قلت لك كان فيه لمه كبيرة جوى . . . وقعدت

العمدة:

يسطويسي: كان يوم يا حضرة العمدة. . . شفنا فيه دودة البلهارسيا . . . الدوده يطلع لها ييجي شبرين . . . ودش الراجل مرة قد زر العسل ومرة كبير جوى قد الجاموسة.

> والمرة اللي دخلت فيها أنت.. جميل:

قاعدين ع العشا. . . الواد محمد أخو صابر بيحكى لامه على دودة البلهارسيا الكبيرة دى . . . والناس اللي بتمسيشي على الجمايس. . . كلمتين من هنا وكلمتين من هنا. . . المرة حكمت رأيها ورأسها وألف بلغه لازم تشوف السيما. . . قلت لها طيب يا وليه . . . حوريكي البلهارسيا في سيمة البندر .

العمدة:

لقيت الناس اللي عجلها ناجص سايبه الكراسي اللي قدام وجاعدين ورا. . . طبعًا جعدنا في أول رصة كراسي . . . شويه وقلت لازم أشوف الناس قاعدين ورا ليه . . . لقيت الناس ورا قاعدين على كراسي زى ما يكون عليها شلت . . . قلت يا عبد الموجود تشوف السيما وتقعد على الخشب أحسن ما تقعد على الشلت وما تشوفش حاجة .

خشيت ومعانا حرمنا المصون. . . وجوه السيما

صبحر:

وشفت إيه في الشاشة.

العمدة:

. عسكرى شديد جوى ولا الشاويش زايد. . . شاويش الداورية في البلد.

كان فيه حراميه وعساكر . . . وكان معاهم

بسطویسی: الشاویش زاید دا شدید جوی.

العمدة: يا ستار . . . دا شديد جوى جوى .

بسطويسى: من قبل ما يشوف أى ملاحيظ يقول أنا بقول

العمدية بوظه في البلد دى . . . تعالى إتفرج يا مسدير . . . أنا شسايف البلد دى مش على بعضها . . . وكمان ما يكلش إلا رومى وحمام بس . . . عايش في البندر .

جميل: أنا أســـــأذن علشــان الوقت اتأخــر . . . وورايا مذاكرة للصبح .

صبحى: ما تخليك شوية . . . وأنا آجى أذاكر معاك . . . حاكم أنا مش جيللى نوم .

جميل: أنا حسبقك على شقة سليمان.

وهناك جراما فون وإسطوانات سامبا ورومبا . . . وحاجة أنس .

صبحى: أول ما ييجى صابر . . . خجيب الكتب اللى فى النملية . . . وأجيلك حمامة .

سامى: menci يا جـمـيل . . . يمكن مـا قـدرش آجى . . . ميعاد نومى قرب . . . والفرص جايه كثير يا إكسلس .

جميل: au revoier .

صبحى: اوعى تعملها وتذاكر لوحدك. . . جايلك طاره.

سامى: au revoier .

سامى: صابر وصل.

صابر: السلام عليكم.

الجميع: وعليكم السلام ورحمة الله وبركاته.

صابر: شرفت مصريا به . . . وإيه اللي خلاك

افتكرتنا . . . دانا بتحيل عليك من زمان تيجي تتفسح لك يومين في مصر .

العمدة: اللي حـــصل يا ابني . . . آن الأوان وقلت

لبسطويسى البس خلجاتك النضيفة علشان

نروح مصر . . . ونزور أهل البيت .

بسطویسی: شی الله یا ست.

العمدة: قلت ننزل فين . . . ننزل عند صابر نطمن عليه

ونريح جنبنا عنده الكام ليله اللي حنقعدهم.

بسطویسی: إزیك یا صابر أفندی . . . ضلمت البلد ونورت هنا .

صابر: إزيك يا بسطويسي وإزاى البلد كده.

بسطويسى: بخير والحمد لله . . . كلهم بيسلموا عليك . . .

أبوك عبد السميع برسيم وأبوك على الحمّار وأبوك عبد الحميد الطيب وأبوك سالم الأقرع وأبوك أحسمد أبو العزر... وخالتك زينب وخالتك حلاوتهم وخالتك أم سعيد وخالتك أم شوال مراتى... قالت لى السلام أمانة لصابر أفندى... وكل البلد بتسلم عليك.

صابر: الله يسلمهم . . . والله وحشونى كتير لكن إيه اللى أخركم لغاية دلوقت . . . مجيتوش فى قطر الضهر ليه .

العمدة: ما هو إحنا جينا في قطر الضهر . . . والتأخير كان غصب عنا يا صابر يا ابني .

بسطويسى: كنا في حلم . . . والا في علم . . . دا إحنا اللي

شفناه النهاردة ما يتنسيش العمر كله.

العمدة: كنا محبوسين في قسم الجيزة.

صابر: ليه كفا الله الشر.

العمدة: شورة بسطويسي المهببة.

بسطویسی: وإحنا فی محطة مصر . . . قلت لواحد أفندی یستقرا لنا العنوان بتاعك فقال لنا إن الشارع فی قسم الجینزة . . . فرحنا القسم ندور علیك فحضل اللی حصل .

العمدة: ودخلنا الحجز . . . وشفنا كتير واتقرصنا كتير . . وحاجات كتير أحكيها لك الصبح . . . من ساعة ما نزلنا من سلالم القطر في محطة مصر الساعة واحدة بعد الضهر لغاية ما وصلنا هنا الساعة عشرة بالليل . . واديا بسطويسي هات لنا كام فطيرة مشلتته . . . خلينا ناكل لقمتين قبل ما ننام .

مبحى: أنا أستأذن علشان رايح أذاكر بره.

بسطويسي: مفيش إلا قوالب طوب. . . عملوها الحرامية

اللي في الحجز . . . عملها حميدو . . .

العمدة: المحفظة . . . المحفظة . . . عدملوها ولاد

الحرام.

صابر: أنزل أبلغ القسم.

العمدة: لا متبلغش. . . ما هو الحق علينا. . . إحنا لو

كنا إتعلمنا ما كانش حد ضحك علينا أبدًا. . .

أنا لازم أسافر البلد حالاً . . . ومش حشوفك يا

مصر . . . إلا لما أتعلم القراية والكتابة . . .

صدق اللي قال . . . العلم نورن .

«ستار»

ختام

نجيب الكيلاني

...